

106

ՄԵԾ  
ՃՇՄԱՐՏՈՒԹԻՒՆՆԵՐ

ՑԿ.  
Մ-55



972003

85  
V-55

ՄԵՇ

# ՃՇՄԱՐՏՈՒԹԻՒՆՆԵՐ

ՏՂԱՅՈՑ ՀԱՄԱՐ

——  
ԶՈՐՐՈՐԴ ՏՊԱԳՐՈՒԹԻՒՆ

ՊԱՏԿԵՐԱԶԱՐԴ  
——

معارف عمومیہ نظارت جلیہ سنک رخصتیلہ طبع اولمشدر  
۲۸ ربیع الاول ۳۰۰ و ۲۶ کانون ثانی ۹۸ نومرو ۱۹۱۸  
مصارفی آمریقان میسیونر شرکتی طرفندن تسویه اولنه رقی

ԿՈՍՏԱՆԴՆՈՒՊՈԼԻՍ

Ի ՏՊԱՐԱՆԻ Ա. ՅԱԿՈՒ ՊՅԱՃԵԱՆ

1883

Մ Մ Մ  
ՀՇՄԱՐՏՈՒԹԻՒՆՆԵՐ

ԳՆԱԿԻ Ա

ՅԱԿՈՒ ՄԱՐԻԱՄ ԵՒ ԱՆՈՆՑ ՀԱՅՐԸ



37622-67

ՅԱԿՈՒ ՄԱՐԻԱՄ ԵՒ ԱՆՈՆՑ ՀԱՅՐԸ

8881



# ՄԵԾ

## ՃՇՄԱՐՏՈՒԹԻՒՆՆԵՐ

### ԳՆԱԿԻ Ա

#### ՅԱԿՈՒ ՄԱՐԻԱՄ ԵՒ ԱՆՈՆՑ ՀԱՅՐԸ

Հայր մը և անոր երկու պզտիկ տղայք սովորութիւն ունէին ատեն ատեն արտերը մեկտեղ պտտալի, և հոն այլեւայլ բաներու վրայ խօսակցել: Տղոց մէկը, Յակոբ անունով՝ մանչ մին էր. միւսը աղջիկ էր, Մարիամ անունով:

Երբ օր մը այսպէս արտերը կը պտտէին, Հայրը յոգնեցաւ և մեծ ծառի մը շուքին տակ նստաւ, բայց տղայք չուզելով նստիլ՝ սկսան ասդին անդին շրջիլ, ծաղիկներ ժողկել և իրենց հօրը բերել: Ետքը տղայք ալ յոգնելով իրենց հօրը քով նստան, և անոր հարցուցին թէ իրենց բերած ծաղիկները գեղեցիկ չեն:

«Շատ գեղեցիկ են», ըսաւ հայրը, և շնորհակալ եղաւ անոնց ընծային համար:

57341-Ա.հ.

Քիչ մը ետքը թռչուն մը անոնց քով կը թռուչըտէր : Թռչունին փետուրները դեղին և մութ գոյն էին . թռած ժամանակը թռչունը կ'երգէր : Տղայք իրենց աչքերը տնկած անոր կը նայէին , մինչեւ որ աներեւոյթ եղաւ :

Արտին մէջ քանի մը ոչխար , կովեր և ձիեր ալ կային , որոնք հանդարտաբար կ'արածէին :

Մինչ պզտիկ աղջիկն ու եղբայրը և անոնց հայրը այսպէս նստած կը խօսակցէին , թիթեռնիկներ ալ եկան անոնց քով . բայց տղայք բնաւ չանք չըրին զանոնք բռնելու , ինչու որ այսպիսի բան մ'ընել արգիլուած էր անոնց : Անոնք գոց ըրած էին նաեւ երգի մը սա խօսքերը .

«Պզտիկ ճանճ մընալ բնաւ , ես պիտի մեռցնեմ՝ .

Ինչու որ ցաւ կը քաշէ՝ երբ ես անոր վնասեմ՝» :

Արեւը շատ տաք էր , բայց Մարիամ և Յակոբ շուքին տակը նստած՝ տաքութիւնը չէին



զգար : Կ'ուզէ՞ք գիտնալ թէ ինչ բանի վրայ խօսեցան : Երկրորդ գլուխը պիտի պատ-

մէ ձեզի քանի մը բան՝ որ հայրըն անոնց ըսաւ :

### ԳԼՈՒԽ Բ

#### Ա Ս Տ ՈՒ Ծ Ո Յ

ԵՒ ԵՆՈՐ ԲԵՐԵՐԵՐՈՒԹՅԵՆԸ ՎԵՅ

«Աստուած շատ բարերար է , և միշտ կ'ուզէ մեզ երջանիկ ընել : Մեր ամէն օրուան կերակուրը տուողն Ան է . հագնելու հանդերձ և բնակելու տուն տուողն Ան է : Բան մը չունինք որ Ան տուած չըլլայ մեզի , ոչ ալ զուարճութիւն մը՝ որ մեզի համար Ան պատրաստած չըլլայ :

Աստուած է որ արեւը կը ծագեցընէ՝ մեզ տաքցընելու համար : Անիկա մեզի կարողութիւն կուտայ դաշտերը պտըտիլ , և մեր շուրջը եղած զուարճալի տեսարանները վայելել : Մենք կը սիրենք գեղեցիկ ծաղիկներ տեսնել , որոնց արարիչն Աստուած է :

Կը սիրենք թռչուններուն քաղցը ձայնը լսել . ասոնք ալ Աստուած ստեղծեց մեր զուարճութեանը համար : Մեր պարտիզին մէջ տնկուած ծառերուն անոյշ պտուղները կը վայելենք , բայց բնաւ մոռնալու չենք թէ այս պտուղներն ալ Աստուծմէ տրուած են մեզի :

Եթէ Անիկա պտուղ , ծաղիկ և թռչուն տուած չըլլար մեզի , թէեւ կընայինք ապրիլ , բայց մեր զուարճութիւնը պակաս պիտի ըլլար :

Աստուած բարեբար է բոլոր կենդանի արա-  
րածներուն : Այս կովերը, ոչխարները և ճիւ-  
րը, որ հիմա մեր առջեւն են, Աստուծոյ տուած  
կեանքը կը վայելեն : Աստուած կը հոգայ թռ-  
չուններն և ճճիները . եթէ Ան չպահէ և չկե-  
րակրէ զանոնք, ամէնքն ալ կը մեռնին : Աս-  
տուած զինքը սիրողները կը սիրէ, և բարեբար  
է չարերուն անդամ : Չարերուն վայելած ամէն  
բարիքը տուողն Աստուած է : Ան կը խորհի ա-  
նոնց վրայ, թէպէտ անոնք Աստուծոյ վրայ չեն  
խորհիր :

Շատ անգամ Աստուծոյ վրայ խորհինք, շնոր-  
հակալ ըլլանք Անոր մարդասիրութեանը հա-  
մար, և օգնութիւն խնդրենք Անկէ՝ որ սիրով  
Անոր հնազանդինք” :



**ԳԼՈՒԽ Գ**

**ԾԱՂԻԿԸ**

ՆԻ ՆՆՈՐ ՍԵՐՄԷ

Քանի որ ծառին տակը նստած էին, հայրը  
տողոց բերած ծաղիկներէն հատ մ’առաւ, և  
հարցուց անոնց, “ Այսպիսի ծաղիկ մը կրնա՞ք  
չինել” :

“ Ոչ”, պատասխանեց Մարիամ, “չենք կրնար :

Աշխարհիս մէջ չկայ մէկը, որ կարող է այսպիսի  
ծաղիկ մը չինել” :

“ Ուստի՞ գիտես, Մարիամ”, ըսաւ հայրը :

– “ Աղէկ գիտեմ, քանզի տեսած եմ թէ ծա-  
ղիկները սերմերէ կը բուսնին : Դուն անգամ մը  
քանի մը սերմ տուիր ինծի իմ պարտիզիս հա-  
մար, և օգնեցիր ինծի զանոնք ցանելու, և  
հիմա անոնք ծաղիկներ եղան” :

– “ Ուրեմն կրնա՞ն ըսել ինծի թէ սերմերը  
ուստի՞ կ’ըլլան” :

“ Անոնք դուն ծախու առիր, այնպէս չէ՞,  
հայրիկ,” հարցուց Յակոբ :

“ Այո”, ըսաւ հայրը, “ բայց սերմն ո՞վ չինեց” :

Մարիամ պատասխան մը չէր կրնար տալ :  
Ուստի հօրմէն խնդրեց որ սերմերուն ուստի  
ըլլալն անոնց հասկըցընէ :

Անատեն հայրը թողած ծաղիկ մ’առաւ, և  
անոր քանի մը թերթը փրցընելով, ծաղիկն մէջ  
սերմերուն պահուած տեղը ցուցուց և ըսաւ,  
“ Երբ ծաղիկները սկսին թողմիլ, սերմերը շա-  
բունակ կը մեծնան և կը հասնին, մինչեւ որ  
ժողվուին կամ դետին իյնան : Ուրեմն կը տես-  
նէ՞ք”, ըսաւ, “ որ թէեւ ծաղիկները սերմերէն  
կ’ըլլեն, սակայն առաջ սերմերը ծաղիկներէն  
ելած են : Հիմա կրնա՞ք ինծի ըսել թէ ամենէն  
առջի սերմերն աշխարհիս մէջ ինչպէս դրու-  
նուեցան” :

“ Կարծեմ թէ զանոնք Աստուած ստեղծած

ըլլալու է", պատասխանեց պզտիկ աղջիկը :  
 "Այո, այդպէս է", ըսաւ հայրը . "եթէ ինձի մտիկ կ'ընէք, ձեզի կը խօսիմ ատոր վրայով" : Ուստի խօսքը շարունակելով ըսաւ,  
 "Ժամանակաւ ոչ աշխարհ կար, ոչ արեւ, ոչ լուսին և ոչ ալ աստղ : Այն ժամանակն ասկէ շատ առաջ էր" :

"Քսա՞ն տարի առաջ", հարցուց Յակոբ :  
 Յակոբ չորս տարեկան պզտիկ մանչ մըն էր, և կը կարծէր թէ մէկ տարի երկայն ժամանակ է . մինչեւ քսան համրել գիտէր, և իր խելքովը կը կարծէր թէ քսան տարին չափազանց երկար ժամանակ է :

Այս գրքոյկը կարդացողները կրնան լաւ հասկընալ թէ այս տղան խելացի կամ գիտուն չէր :

Այս հարցումը ընելուն համար հայրը Յակոբայ վրայ չինդաց, բայց ըսաւ "Քսան տարիէն աւելի է, հարիւր անգամ քսան տարիէն ալ աւելի է :

Այն ժամանակ՝ թէև աշխարհս չկար, բայց Աստուած կար, և Անոր հաճոյ թուեցաւ աշխարհ մը ստեղծել" :

# ԳԼՈՒԽ Դ

## Ա Ս Տ ՈՒ Ա Ծ

ԱՍՏՈՒԱԾ



Աշխարհս շինելու համար նիւթ չկար, բայց Աստուած

զանիկա ոչինչէն ստեղծեց, նաեւ ցորեկը ծագող արևը, և գիշերը ծագող լուսինն ու աստղերն ալ ստեղծեց : — Աստուած մարդն ալ ստեղծեց, որ աշխարհի մէջ բնակի, ու նաեւ ամէն տեսակ նասուններ, թռչուններ և ճճիներ : Ստեղծեց նաեւ այն մեծ ծովն, որուն մէջ անթիւ ձուկեր կը գտնուին :

Բայց կենդանի արարածները չըստեղծած՝ Աստուած անոնց համար աշխարհս պատրաստած էր, ծառերն և տունկերն ալ՝ անոնց օգտին ու գործածութեանը համար :

Երբ Աստուած ծառերը, տունկերը և ծաղիկները ստեղծեց, հրամայեց որ անոնք սերմ ունենան, որ ուրիշ ծառեր և տունկեր ելլեն անոնցմէ : Աստուծոյ մեծ զօրութենէն է որ սերմէն ծաղիկ կը բուսնի, ինչպէս որ դուք ալ ըսիք” :

“ Այս քու յիշածներէդ զատ՝ Աստուած ուրիշ բան ալ ստեղծեց”, հարցուց Մարիամ :

“ Աստուած ամէն բան ստեղծեց”, պատասխանեց հայրը : “ Տեսած բաներէդ մէկը չկայ, որ Աստուած ստեղծած չէ” :

Սակէ առաջ եղած բաներէն, կամ ներկայ բաներէն մէկը չկայ որ Ան ստեղծած չէ” :

“ Բայց կարծեմ թէ իմ հանդերձներս, ասեղներս, գնդասեղներս (հոգի) և մեր տունը, Աստուած չստեղծեց, այնպէս չէ՞ հայրիկ”, հարցուց աղջիկը :

– “ Իմ աղջկանս հանդերձները զանազան բուսած բաներէ շինուած են, բայց Աստուած բուսցընել տուաւ այս բաները : Գնդասեղները, ասեղները և շատ ուրիշ բաներ մարդիկ հողին մէջ եղած մետաղներէն (սպիտակ) կը շինեն, բայց այն մետաղներն երկրիս մէջ Աստուած դրաւ : Մարդիկ փայտէ և քարէ տուներ կը շինեն, բայց փայտը և քարը ստեղծողը մարդը չէ, այլ Աստուած : Աստուած հաճեցաւ մեզի զօրութիւն և ճարտարութիւն տալ, իր ստեղծած բաները գործածելով՝ ուրիշ բաներ շինելու .

սակայն որչափ որ գործենք կամ փոխենք զանոնք, անոնց բուն արարիչն Աստուած է : Գիտէ՞ք ինչ ըսել կ'ուզեմ” :

Մարիամ և Յակոբ կը կարծէին թէ հօրը ըսածը կը հասկընային : Ես ալ այնպէս կը կարծեմ, ինչու որ թէ և անոնք պզտիկ էին, բայց ջանք կ'ընէին հասկընալ ինչ որ անոնց ծնողքը կը սորվեցընէին անոնց :

## ԳԼՈՒԽ Ե

ԸՆԹԵՆՑՆԵՐՆԸ

Մարիամ, Յակոբ և անոնց հայրը ծառին տակ նստելով հանգչելէն ետքը ճամբայ ելան, և նեղ բայց զուարճալի փողոցէ մը անցնելով իրենց տունը գացին :

Երբ տունը մտան՝ Մարիամ և Յակոբ իրենց մօրը քով տղոց սենեակը գացին, հայրն ալ իր սենեակը երթալով տղայք զանիկա կրկին չտեսան այն օրը, միայն թէ պառկելէն առաջ քիչ մը ժամանակ անոր դիրկը նստան :

Անկէ քանի մը օր ետքը՝ առտուանց հօրը սենեակին դուռը կամաց մը զարնուեցաւ, և հայրը ըսաւ, “ Հրամանեցէ՛ք” : Սակայն ոչ ոք ներս մտաւ, և երբ հայրն ելաւ դուռը բա-



նայու, տեսաւ որ Յակոբ և Մարիամ հոն կայ-  
ներ էին, և կ'ուզէին ներս մտնել: «Կրնաք դալ»,  
ըսաւ հայրը, «եթէ գիր դրած ժամանակս լուռ  
և հանդիստ կենաք: Կրնա՞մ վստահիլ որ ձայն  
պիտի չհանէք»:

«Այո, հայր», ըսաւ Յակոբ, «եթէ մեզի  
պատկերազարդ գիրք մը տաս նայելու»:

Այն սենեակին մէջ շատ գրքեր կային սե-  
ղանին և դարակներուն (•••) վրայ շարուած,  
և տղայք գիտէին թէ անոնցմէ ոմանք պատ-  
կերազարդ են. քանզի շատ անգամ տեսած  
էին զանոնք: Վար նստան, և հայրը անոնց  
առջեւը սեղանի տեղ ցած աթոռ մը դնելով  
պատկերազարդ գիրք մը տուաւ անոնց:

## ԳԼՈՒԽ Զ

ՀՐԵՇՏԵՍԿՆԵՐՈՒՆ ԱՂԵՅ

«Հայր, շատ զբաղեալ ես», հարցուց Մա-  
րիամ ականջն ի վար՝ շատ մը պատկերներու  
նայելէն ետքը:

«Շատ զբաղեալ չեմ», պատասխանեց հայ-  
րը, «ի՞նչ կ'ուզես ինձի ըսել»:

«Կ'աղաչեմ որ ըսես ինձի թէ այս պատկերը  
որո՞նն նմանութիւնն է: Ասիկա առաջուց տե-

սած չեմ: Կին մը կայ ճերմակ հանդերձով, և  
թռչնոյ պէս թեւեր ունի»:

«Հրեշտակի պատկեր կը համարուի ատիկա»,  
ըսաւ հայրը. «բայց բնաւ չեմ կարծեր թէ  
հրեշտակներն այս պատկերին պէս են»:

«Հրեշտակներն ի՞նչ են, մեզի կ'ըսես», Հայ-  
րիկ», ըսաւ Յակոբ:

– «Անոնց վրայով քիչ մը կը խօսիմ ձեզի. բո-  
լոր գիտցածներս Աստուածաշունչէն սորված  
եմ: Կան հրեշտակներ որ սուրբ են, զորոնք  
Աստուած ստեղծեց իրեն ծառայելու համար:

Աշխարհ և մարդիկ ստեղծուելէն առաջ Աս-  
տուած հրեշտակները ստեղծեց:

Անոնք մեզի պէս չեն, և մեր մարմնոյն պէս  
մարմին չունին: Անոնք երկինքը կը բնակին,  
և կը սիրեն զիրենք ստեղծող մեծ և սուրբ Աս-  
տուծոյն ծառայել:

Աստուծոյ հրամայած տեղն երթալու և Անոր  
պատուէրները կատարելու՝ շատ արագաշարժ  
և զօրաւոր են, շատ ալ խելացի են Աստուծոյ  
կամքն իմանալու: Բոլոր իրենց զօրութիւնը և  
իմաստութիւնը Աստուծոյն առած են: Առանց  
Աստուծոյ բան մը չեն կրնար ընել:

Մեր աչքերը հոգիներ տեսնելու համար  
ստեղծուած չեն. ուստի մենք հրեշտակները չենք  
կրնար տեսնել, քանզի անոնք հոգի են: Ատենօք  
Աստուած հաճեցաւ իր կամքը մարդոց յայտնել  
հրեշտակներու միջոցաւ, ուստի և հրեշտակները

մարմին առին և մարդու կերպարանքով երեւցան մարդոց : Թէ և մենք չենք կրնար զանոնք տեսնել, բայց անոնք կրնան մեզ տեսնել : Մենք չենք գիտեր թէ որչափ անգամ հրեշտակները մեզ կը տեսնեն, կամ թէ քանի հատ կայ մեր շուրջը, ամէն օր և ամէն գիշեր : Բայց միայն սա գիտենք թէ Աստուծոյ աչքը միշտ մեր վրայ է : Ասիկա բնաւ մոռնալու չենք : Հրեշտակներուն թիւը չենք գիտեր, անոնց թիւը մեր խելքէն մտքէն շատ վեր է : Ամէնքն ալ Աստուծոյ կ'սպասեն Անոր կամքն ընելու, Անոր հրամանովը կ'երթան կ'ուզան : Երջանիկ են, քանզի սուրբ են : Հրեշտակներ ալ կան, որ երկինքը չեն, երջանիկ ալ չեն, վասն զի սուրբ չեն : Եթէ Աստուծոյ հնազանդ ըլլանք, մենք ալ երջանիկ պիտի ըլլանք. եթէ Անոր կամքը կատարենք երկրիս վրայ, հանդերձեալ աշխարհին մէջ Աստուծոյ սուրբ հրեշտակները պիտի տեսնենք, և անոնց հետ երկինքը պիտի բնակինք :



## ԳԼՈՒԽ Է

## ԸՆԹԵՐՅԱՐԱՆԻՆ ՄԷՋ ԵՂԱԾ

ՈՒՐԻՇ ԻՕՍԻՆԻՐԸ

Յակոբ և Մարիամ իրենց հօրը շատ հարցումներ ըրին, որոնց անիկա կարող չէր պատասխան տալ :

Պզտիկ տղու մը գիւրբին է այնպիսի հարցումներ ընել, որ իմաստուն ծնողք մը անգամ չի կրնար պատասխանել անոնց : Մարիամ հարցուց թէ « Հրեշտակները ո՞րչափ մեծ են, կըրնան ըսել ինծի, հայրիկ » :

« Ոչ, չեմ կրնար ըսել », պատասխանեց հայրը : « Հիմա այս սենեակին մէջ հրեշտակ կայ », հարցուց Յակոբ :

« Իրաւ է, տղաս », ըսաւ հայրը, « որ այդ հարցմանդ կարող չեմ պատասխանել » :

Անտեսն Մարիամ ուրիշ բան մ'ալ հարցուց, իսկ հայրը դարձեալ պատասխանեց, « Սիրելի աղջիկս, իրաւ չեմ գիտեր » :

« Բայց, հայրիկ, ես կը կարծէի թէ դուք ամէն բանի վրայով տեղեկութիւն ունիք : Ինչո՞ւ համար չեմ գիտեր կ'ըսէք » :

« Վասն զի պէտք է որ ճշմարիտն ըսեմ : Քիչ մը բան գիտեմ. բայց շատ բաներ կան, որոնց վրայով ամենեւին բան մը չեմ գիտեր » :

“Քու բոլոր գիրքերդ շինողը քենէ աւելի բան գիտնալու է”, ըսաւ Յակոբ :

“Մէկ մարդ չէ բոլոր աս գիրքերը գրողը”, պատասխանեց հայրը , “ այլեւայլ մարդոց գրածներն են ասոնք” :

“Քանի՞ մարդ գրած է այս սենեակին գիրքերը”, հարցուց Յակոբ .

– “Դարձեալ կ'ըսեմ, չեմ գիտեր” .

“Հայրիկ”, ըսաւ աղջիկը շփոթած , “ որչափ ստեպ չեմ գիտեր կ'ըսես այս առտու” :

– “Միրելի տղաքս, ուրիշ բան չեմ կրնար ըսել : Պէտք է որ պատասխան տամ երբ ինծի բան մը կը հարցընէք : Պատասխան չտալ պաղ բան մը պիտի ըլլայ : Սակայն ձեր այդպիսի հարցումներուն ուրիշ պատասխան չեմ կրնար տալ , բայց միայն իմացընել թէ չեմ գիտեր , կամ թէ՛ չեմ կրնար ըսել : Սակայն եթէ քանի մը ըոպէ լռիկ կենաք , գիտցած բաներէս մէկ քանին կ'ըսեմ ձեզի , այնպիսի բաներ՝ զոր ես ալ կ'ուզեմ որ դուք գիտնաք” : Անտուն անոնք լուռ կեցան , և հայրը սկսաւ Աստուծոյ իմաստութեանը վրայ խօսիլ :



## ԳԼՈՒԽ Ը

ՍՍՏՈՒԾՈՅ ԻՄԵՍՏՈՒԹՅԵՆԸ ՎՐԵՅ

“Աստուած իմաստուն է , ամէն բան գիտէ : Մէկը չկայ որ կարող է անոր նոր բան մը իմացընել : Աստուած միշտ իմաստուն էր : Երբ ոչ հրեշտակ կար , ոչ մարդ , ոչ արեւ , ոչ աստղ և ոչ ալ աշխարհ , Աստուած գիտէր մարդոց ամէն մէկը որ աշխարհիս վրայ պիտի բնակէր : Ան գիտէ մեր բոլոր խօսքերը որ այսօր կը խօսինք , կամ ասկէ առաջ խօսած ենք : Աստուած տեղեակ է մեր ամէն խորհուրդներուն , նաեւ անոնց որ առաջ խորհած ենք , և որ մեր կենացը մէջ պիտի խորհինք : Աստուած այս աշխարհս բնակող բոլոր մարդոց , կանանց և տղանց ըրածները գիտէ : Աստուծոյ դժուար չէ բոլոր այս բաները գիտնալ , և իմ պատմածներէս կամ ձեր խօսածներէն շատ աւելի գիտնալ , քանզի Աստուծոյ համար դժուար բան մը չկայ :

Մենք միայն այն բաները գիտենք , զորոնք սորված ենք , և մեր սորված բաները կամաց կամաց կը սորվինք , բայց Աստուած ինք իրմէ ամէն բան գիտէ . մէկը կարող չէ անոր բան մը սորվեցընել :

Ձեզի ուրիշ բան մ'ալ պիտի ըսեմ զոր գիտ-

նալու էք : Աստուած հաճեցաւ իր Սուրբ Գրքին մէջ մեզի իմացընել թէ ինք պատրաստ է մեզ իմաստուն ընել, եթէ իրմէ խնդրենք : Սուրբ Գիրքը տուած է մեզի որ անկէ ճշմարիտ իմաստութիւնը սորվինք :

Երբ քիչ մը մեծնաք, պիտի սորվիք Աստուծոյ խօսքը կարդալ : Բայց պզտիկ տղայ մ'ալ, որ դեռ կարդալ սորված չէ, կրնայ Աստուծմէ իմաստութիւն խնդրել :

Աստուած բարի է, ինչպէս որ իմաստուն ալ է, և միշտ պատրաստ է ձեզի պէս պզտիկ տղայոց աղօթքները լսել” :

37622-67



### ԳԼՈՒԽ Թ

ԲՆՈՒՐՆ ՈՒ ԿՈՂԸ

Բարձր բլուր մը կար՝ որ ասոնց տունէն շատ հեռու չէր, և հայրն ու անոր տղաքը հոն երթալու ճամբուն մէջ պզտիկ փայտէ կամուրջէն անցնելով՝ երբեմն երբեմն բլրոյն մինչեւ գառաթը կ'ելլէին :

Բլրոյն դադաթը քանի մը ծառեր կային, անոնց տակն ալ փայտէ նստարաններ : Բլուրը դալար խոտով և գոյնզգոյն ծաղիկներով ու բոյսերով ծածկուած էր : Բայց թէ տղոց և թէ

հօրն այն բլրոյն դադաթն ելլել ուզելուն բուն պատճառը ծովը տեսնել էր :



Ծովը բլրոյն անդիլի կողմն էր : Ծովեզերքը շատ մօտ էր, ծովն ալ երբեմն եզերքին վրայ եղած աւաղները կը ծածկէր, և բլրոյն ստորտին կը գարնէր :

Բլրոյն ստորտար՝ ծովէն քիչ մը հեռու առնակներ կային, որոնց մէջ ձկնորսներու ընտանիք կը բնակէին : Այս մարդիկը նաւակներ ունէին, որոնցմով ծովուն վրայ ելլելով ուռկաններով ձուկ կը բռնէին : Այս տղայոց հայրն այն ձկնորսներուն ծանօթ ըլլալով, երբեմն այն առնակները կ'երթար՝ հոն բնակող մարդոց հետ խօսելու : Մարիամ և Յակոբ ալ շատ անգամ անոր հետ գացած էին :

Ձկնորսներուն նաւակներէն զատ շատ անգամ ծովուն վրայ մեծ նաւեր ալ կ'անցնէին,



որոնց վրայով հայրը տղայոցը կը խօսէր իմա-  
ցընելով թէ ինչ կարծիք ունէր այն նաւերուն  
ուր երթալուն կամ ուստի գալուն վրայով, և  
ուրիշ շատ բաներու վրայ կը խօսէր:

Կ'ուզէ՞ք իմանալ թէ ուրիշ ինչ բաներու  
վրայ խօսեցաւ: Հետեւեալ գլխու մէջ կը պատ-  
մեմ ձեզի:

## ԳԼՈՒԽ Ժ

ԵՍՏՈՒՄԻ ԵՄԷՆ ՏՆՂ, Լ:

Յակոբ և Մարիամ ու անոնց հայրը բլրոյն  
գագաթը ծառերուն տակը եղած նստարանին  
վրայ նստած էին: Ծովը խաղաղ էր, քանզի  
շատ հով չկար զանիկա խռովելու: Արեգակը  
պայծառ կը փայլէր, և ծովը ասպակիի կը նմա-  
նէր: Բաց ծովուն վրայ բարձր կայմերով և  
ճերմակ առագաստներով նաւ մը կար: Գեղե-  
ցիկ տեսարան մըն էր անոնց աչքերուն, ծովը,  
արեգակը, նաւը, բլրոյն ստորոտը եղած տնակ-  
ները և ձկնորսները, որոնք իրենց ուռկանները  
կը նորոգէին: Բոլոր այս բաներուն նայելով  
Մարիամ և Յակոբ շատ ուրախացան:

Նախ՝ հայրն այն մարդոց վրայով խօսեցաւ,  
որ գրեթէ միշտ նաւերու մէջ կը կենան, ուրիշ  
մարդոց վրայով ալ խօսեցաւ, որ հարիւրաւոր

և հազարաւոր մըն հեռու երկիրներ կ'երթան  
ծովուն մըս կողմը, տղաքն ալ անոր խօսքե-  
րուն ուշի ուշով մտիկ կ'ընէին:

Նաքը հայրն անոնց ըսաւ, « Հեռաւոր եր-  
կիրներ բնակող մարդոցմէ ոմանք թուխ մորթ  
ունին, և ոմանք գրեթէ բոլորովին սեւ են,  
անհասկանալի օտար լեզուներ ալ կը խօսին,  
և այն երկիրներուն ծաղիկներն ու պտուղները  
մեր երկրին ծաղիկներէն և պտուղներէն շատ  
տարբեր են:

Բայց բան մը կայ», ըսաւ, « որ ամէն տեղ  
մի և նոյն է»:

« Ի՞նչ է, հայրիկ», հարցուց Մարիամ: Հայ-  
րը պատասխան տուաւ, « Ամէն տեղ Աստուած  
ներկայ է: Շատ ժամանակ պէտք է աշխարհիս  
ամենէն հեռու երկիրներն երթալու համար.  
բայց Աստուած հոն ալ է, ինչպէս որ հոս: Աշ-  
խարհիս մէջ շատ տեղ մեծամեծ անբնակ ան-  
տառներ կան, բայց Աստուած հոն ալ ներկայ  
է: Անիկա ամէն տեղ է»:

« Բայց Աստուած երկինքը չէ՞», հարցուց  
Յակոբ:

« Այո, երկինքն է, միշտ հոն է, բայց երկ-  
րիս վրայ ալ է. միշտ երկրիս վրայ: Աստուած  
միշտ մեր եղած տեղն է. մենք բնաւ մի՞նակ  
չենք, քանզի Աստուած մեր հետն է, և մեր  
բրածը, ըսածը և խորհածը գիտէ: Բնաւ մոռ-  
նալու չենք սա ճշմարտութիւնը թէ Աստուած

ամէն տեղ է, և վախնալու ենք անկէ արգիւ-  
լուած ինչ և իցէ բան մը ընելու, ըսելու կամ  
խորհելու”:

ԳԼՈՒԽ ԺԱ

ԱՌՌՈՒՅԸ

Մարիամու և Յակոբայ հայրն իր պզտիկ զաւ-  
կըներուն ծնած տանը մէջ շատ տարիներէ հե-  
տէ կը բնակէր:

Բայց ատենօք նաւով ճամբորդութիւն ըրած  
ըլլալով շատ անգամ իր տղոցը կը պատմէր  
այն երկիրներուն վրայով ուր դացած էր. Մա-  
րիամ և Յակոբ այս պատմութիւնները լսելէն  
երբէք չէին ձանձրանար:

“Հիմա, հայրիկ”, ըսաւ Մարիամ, “քու  
սենեակիդ մէջ գտնուած պաճուճապատանքին  
(պէպէտ) երկրպագողներուն վրայով կը պատմես  
մեզի”:

“Ո՛րո, դարձեալ կը պատմեմ եթէ կ’ուզէք  
լսել”, պատասխանեց հայրը: “Ա՛յն պզտիկ  
արձանը զոր դուք պաճուճապատանք կը կո-  
չէք՝ հեթանոսները ասոր անունը կոչեն: Աստուա-  
ծաշունչն անոր կողմէն անունը կուտայ: Մար-  
դուն մէկը, որ զանիկա իր խրճիթը դարանին



(բաճ) վրայ կը պահէր՝  
ըսաւ ինծի թէ, զա-  
նիկա հոն պահելուն  
պատճառն այս էր,  
որ կը յուսար թէ ա-  
նոր միջոցաւ վտանգէ  
պիտի պահպանուէր:  
Այս մարդը սովորու-  
թիւն ունէր այն  
կուռքին հետ խօսե-  
լու անոր առջեւը կե-

րակուր և ծաղիկ կը դնէր. և երբ գետը կ’եր-  
թար ձուկ բռնելու, խօսք կուտար այս իր  
աստուածը աղէկ պատուել, եթէ ան իր ուռ-  
կանը ձուկերով լեցընէ: Բայց գիտէք թէ այդ  
կուռքին պէս փայտի կտոր մը չի կրնար օգուտ  
ընել, ոչ ալ օգուտ ընդունել, ինչու որ թէ և  
մարդու պէս երեսի ձեւ, աչք, ականջ, բերան  
և քիթ ունի, բայց չի կրնար ոչ տեսնել, ոչ  
լսել, ոչ ալ համ կամ հոտ առնուլ: Ուստի  
օր մը խեղճ մարդը չկրնալով ձուկ բռնել, շատ  
բարկացաւ իր կուռքին, և զանիկա մէկդի ձգեց՝  
անկէ տղէկն առնելու համար: Այսպէս այն  
կուռքն իմ ձեռքս անցաւ”:

“Ի՞նչ յիմար մարդ է եղեր”, ըսաւ Յակոբ,  
“Շատ յիմար էր”, պատասխանեց հայրը,  
“և շատ ալ աղէտ, ուստի և խղճալու արժանի էր:  
Զինք և բոլոր աշխարհը ստեղծող ճշմարիտ

Աստուծոյ վրայ բնաւ տեղեկութիւն չունէր : Մենք ուրախանալու ենք որ Աստուածաշունչ ունինք, ան որ մեզի կը սորվեցընէ շատ գիտութիւն Աստուծոյ և անոր բոլոր գործերուն վրայ : Բւստի ըստ կարի ջանալու ենք Աստուածաշունչը չունեցողներուն զրկել . աղօթք ալ ընելու ենք որ անոնք իրենց կուռքերէն դառնան՝ ճշմարիտ և կենդանի Աստուծոյ ծառայելու” :

## ԳԼՈՒԽ ԺԲ

ԸՍՏՈՒՆՆԻ ՍՈՒՐԻ ԵՒ ԵՐՈՒՆԻ Է

“Ուրիշ բան մը կը պատմեն մեզի, հայրիկ”, ըսաւ Մարիամ :

“Ի՞նչ բանի վրայով լսել կ’ուզես”, հարցուց հայրը :

– “Այն կռապաշտ մարդոց և անոնց կուռքերուն վրայով” :

– “Շատ աղէկ, անոնց վրայ խօսիմ : Այն կուռքերու երկրպագողները չար մարդիկ են : Մէկզմէկ չեն սիրեր, զիրար կը խաբեն, իրարու սուտ կը զրուցեն, իրարմէ կը գողնան, և շատ անգամ ալ զիրար կը մեռցընեն : Անոնց պզտիկ տղաքներն անգամ շատ գէշութիւն կ’ընեն, և անոնց սորվեցընող չկայ, որ գիտնան բարի գործել :

Անոնք կը կարծեն թէ չաստուածները չեն բարկանար երբ մարդիկ իրարու կը վսասեն, մանաւանդ թէ կը զուարճանան այնպիսի բաներ տեսնելով, և թէ այս չաստուածները կ’ուզեն բաժին ունենալ այն բաներէն զորոնք մարդիկ խաբէութեամբ և գողութեամբ ձեռք կը բերեն” :

“Ուրեմն անոնք շատ չար աստուածներ են”, ըսաւ պզտիկ աղջիկը :

“Եթէ այս տգէտ մարդոց իրենց աստուածներուն վրայով բոլոր պատմածները ճշմարիտ են, հարկաւ անոնք շատ չար ըլլալու են”, պատասխանեց հայրը : “Բայց չիտակն ըսելով անոնք աստուած չեն ամենեւին, միայն փայտի կամ քարի կամ հողի և կամ արծաթի կտորուանք են՝ զանազան ձեւով շինուած : Մարդիկ չար սիրտ ունենալով այսպիսի բաներու խելք կուտան, և կը կարծեն թէ աստուած մը չար բաներ կընայ սիրել : Մենք աւելի աղէկ գիտենք քան թէ կռապաշտները, բայց ոչ անոր համար որ ՚ի բնէ բարի սիրտ ունինք : Ըսէք ինձի, տղաքս, ի՞նչ է պատճառը որ մենք կռապաշտներէն աւելի աղէկ գիտութիւն ունինք” :

Տղաք կը կարծէին թէ աղէկ սորված ըլլալուն համար էր :

– “Բայց մենք աղէկ սորված պիտի չըլլայինք, եթէ Աստուածաշունչը մեզի առաջնորդ չունենայինք : Աստուածաշունչն է որ զմեզ ուրիշներէն աւելի իմաստուն կ’ընէ :

Աստուածաշունչն է որ մեզի կը սորվեցընէ թէ Աստուծոյ գործքերը, խօսքերն ու խորհուրդները բոլորն ալ սուրբ են . և թէ Ան սրբութիւն կը սիրէ : Մեր Աստուածն արդար է բոլոր իր ճամբաներուն մէջ , և սուրբ է բոլոր իր գործքերուն մէջ” :

## ԳԼՈՒԽ ԺԳ

ՏՂԵՆ ՈՒ ՉԻՆ

“ Հիմա պէտք է որ տուն դառնանք” , ըսաւ հայրը : “ Նայեցէ՛ք՝ արեգակն ծածկուեցաւ ամպով , և շուտ մարը մտնելով աներեւոյթ պիտի ըլլայ . անատեն պառկելու ժամանակ պիտի ըլլայ բոլոր ձեզի պէս մանր տղոց համար” :

Ուստի Մարիամ և Յակոբ իրենց հօրը հետ ըլլէն վար իջան տուն երթալու :

Ճամբան մեծ տղայ մը տեսան , որ ձիու մը առջեւն ինկած զանի կը տանէր : Չին բեռնաւորուած կառք մը կը քաշէր :

Բեռը շատ ծանր ըլլալով ձին զայն դըժուարաւ կը քաշէր , թէեւ բոլոր ճիգը կը թափէր , ուստի և շատ կամաց առաջ կ'երթար : Ասոր համար տղան բարկացաւ , և շուտով երթալ ուղեւով՝ ձեռքի մեծ դաւազանովը խեղճ ձին ծեծել սկսաւ :

Մերթ ոտքերուն կը զարնէր , մերթ դլխուն . և զարկած ատենը շատ գէշ խօսքեր ալ կ'ըսէր :

Մարիամ դժած սիրտ ունենալով , այն անգթութիւնները տեսնելու չէր դիմանար : Արցունք թափելով կ'ըսէր , “ Այդ ի՞նչ գէշ տղայ է , որ իր ձին այսպէս կը ծեծէ” : Հայրն ալ նոյնպէս կը խորհէր , և քիչ մը կենալէն ետքը , դարձաւ և ըսաւ տղուն , “ Չիուդ մի բարկանար , և մի ծեծեր զանի , քանզի ան ըստ կարի կը շանայ իր բեռը քաշել” :

Տղան պատասխան չտուաւ , բայց ցուցուց թէ կ'ամբնար որ ուրիշները տեսան անոր անգըթութիւնը :

Մնատեն հայրն իր դրպանէն (ձեռք) քանի մը պզտիկ դիրք հանեց , և անոնց մէկը տղուն տալով ըսաւ , “ Ասիկա քու կդ ըլլայ , երբ ժամանակ կ'ունենաս , կարդա . բայց խօսք տուր ինծի որ ուրիշ անգամ ձիդ պիտի չծեծես” :

Տղան խօսք տուաւ . անատեն Մարիամ Յակոբ և հայրն անկէ զատուեցան դացին :





## ԳԼՈՒԽ ԺԴ

## ԱՍՏՈՒԱԾ ԲԱՐԻ Է

## ՉԵՐԵՐՈՒՆ ԵՆԳՆԵՐ

«Հայր, կարծեմ թէ չար է այն տղան, որ իր ճին այնպէս կը ծեծէ», ըսաւ պզտիկ Յակոբ.  
«Եթէ ես ըլլայի քու տեղը՝ անոր գիրք չէի տար»:

«Թերեւս իմ տղաս անգամ չգիտեր թէ ըստ ժամանակին ինչ ընելու պարտական է: Մանաւանդ տղայք չեն կրնար դատել ինչ որ մեծ մարդիկ պիտի ընեն. այնպէս չէ՞, Մարիամ»:

«Այնպէս է, հայր», ըսաւ Մարիամ. «բայց այն անգութ տղուն ինչո՞ւ գիրք տուիր. պատճառը մեզի կ'ըսես»:

«Սիրտը կակղցընելու համար: Յոյս ունիմ թէ տեսնելով որ ես չբարկացայ, հապա միայն տրտմեցայ, թերեւս պիտի զղջայ իր անգթութեանը համար»:

Պզտիկ գիրքը զոր անոր տուի՝ անասունները չարչարելու վրայ է: Ինչպէս կը յուսամ, տղան այն գիրքը կարդալով, անկէ կրնայ սորվիլ թէ ուրիշ ժամանակ անասուններու հետ ինչպէս վարուելու է: Այն գիրքը պիտի սորվեցընէ անոր թէ երբ մէկը անգթութիւն կ'ընէ,

ամենէն նուաստ արարածներուն անգամ, սուրբ և մեծ Աստուծոյն անհաճոյ բան մը կ'ընէ, և թէ որչափ զարմանալի է Աստուծոյ համբերութիւնը: Աղէկ չէ՞ որ այն անգութ տղան սորվի ասիկա, և զգաստանայ»:

«Այո, հայր», պատասխանեցին երկու տղայք միանգամայն:

«Ուրեմն իմ ըրածս սաստելէ կամ ծեծելէ աղէկ չէ՞ր»:

«Ո՛հ, շատ աւելի աղէկ»:

«Հիմա տան մօտեցանք, բայց մեծ ճշմարտութիւն մ'ալ կայ, և կ'ուզեմ որ այս գիշեր պառկելէն առաջ դուք զայն սորվիք»:

Աստուած շատ ողորմած է մեզի: Մենք անոր երախտեաց մէկուն անգամ արժանի չենք: Մենք ամէն օր զանիկա բարկացընող մեղքեր այնքան կը գործենք, որ եթէ ինք բարերար և ներող չըլլար, մենք մեր բոլոր զուարճութիւնները կը կորսնցընէինք, և արամութենէ ուցաւէ զատ ուրիշ բան պիտի չմնար մեզի այս աշխարհիս մէջ: Բայց Աստուած կ'ողորմի մեզի, և այսպէս կը սորվեցընէ մեզի որ չարութիւն ընողներուն ողորմինք:

Աստուածաշունչը կը սորվեցընէ մեզի ողորմած ըլլալ, քանզի մեր երկնաւոր Հայրն ողորմած է»:

## ԳԼՈՒԽ ԺԵ

ՍՈՒՐԻ ԳԻՐՔԸ

Առտու մը երբ այս աղայոց հայրն Աստուածաշունչը ձեռք առաւ կարդալու՝ Մարիամ անոր ըսաւ, « Հայր, այս առտու Յովսեփայ վրայով Սուրբ Գիրքէն կը կարդաս մեզի »:

« Ս.յո », ըսաւ հայրը, « եթէ հանդարտ նըստիք, Յովսեփայ պատմութեան մէկ մասը կը կարդամ », և այնպէս ըրաւ: Հետեւեալ օրը նախաճաշի ժամանակ Յակոբ իր հօրն ըսաւ, « Եթէ կամիս, Յովսեփայ վրայով դարձեալ կարդա այս առտու »: հայրն ալ այն պատմութեան ուրիշ մէկ մասը կարդաց, և այնպէս ամէն առտու մէյմէկ կտոր կարդաց մինչեւ որ լմնցուց այն պատմութիւնը:

Տղայք կը սիրէին Յովսեփայ պատմութիւնը ըսել: Անոնք շատ անգամ այն պատմութիւնը լսած էին իրենց մօրմէն, որ կամ կարդացած էր և կամ անոր վրայով խօսած էր անոնց. և հիմա ալ անոնք կ'ուզէին որ հայրը կարդայ նոյն պատմութիւնը:

« Բոլորը ճշմարիտ է, այնպէս չէ՞, հայր », հարցուց Մարիամ:

« Ս.յո, բոլորն ալ ճշմարիտ է » պատասխանեց հայրը:

« Ամէն բան », հարցուց Յակոբ: Մարիամը — « Ս.յո, ամէն բան. վասն զի Աստուածաշունչն Աստուծոյ խօսքն է, և անոր մէջ ամէն բան որ իբր ճշմարտութիւն գրուած է՝ ճշմարիտ է »:

« Աստուած շինեց Սուրբ Գիրքը »:

« Սուրբ Գիրքին մէջ գրուած ամէն բան Աստուած գրել տուաւ: Միտքդ չէ՞, Մարիամ, թէ երբ մայրդ դուրսն էր, ուզեցիր նամակ մը գրել անոր »:

« Ս.յո », ըսաւ Մարիամ, « բայց չկրցայ գրել, մինչեւ որ դուն իմ ձեռքս չբռնեցիր »:

« Ս.յո, այնպէս ըրի, գրիչը քու ձեռքիդ մէջ գրի, և քու ձեռքդ իմնիս մէջ բռնելով շարժեցի, և այնպէս մօրդ զրկուած նամակը գրուեցաւ, և ան ալ կրցաւ կարդալ զայն, և ըսաւ թէ ան իմ գրածս էր ոչ թէ քուկդ »:

« Ճիշդ այնպէս էր », պատասխանեց Մարիամ, « քանզի դուն քու ուղածիդ պէս գրեցիր: Ես գրիչը բռնելէն զատ ուրիշ բան մը չըրի, և այնչափն ալ չէի կրնար ընել՝ եթէ դուն ինձի չօգնէիր »:

« Շատ աղէկ, ինչպէս որ դուն մօրդ նամակ մը գրեցիր իմ օգնութեամբս, Աստուած ալ սուրբ մարդոց գրել տուաւ ինչ որ ուզեց: Սուրբ Հոգւով ինքն անոնց միտքերուն մէջ գրելու բաներ գրաւ, և անոնք ալ Անոր ուղածս ենք: Ես տարբեր բան մը չգրեցի »:

Ուստի Սուրբ Գիրքը, թէեւ մարդոց ձեռքով գրուած է, Աստուծոյ խօսքը կը կոչուի”:

## ԳԼՈՒԽ ԺԶ

### ԲՈԼՈՐ ՄՍՐԴԴԻԿ ՄԵՂԱՆՁԵՂՈՒ

ՀԵՍԵՐԻՏ ՍՐՏՈՎ, ԾՆԵՎ ԵՆ

“Յովսեփայ եղբայրները, որ անոր այնչափ անգթութիւն ըրին, շատ չար մարդիկ էին, այնպէս չէ՞, հայրիկ”, հարցուց Մարիամ:



“Այո չար էին”, պատասխանեց հայրը: — “Բայց դիտէ՞ք թէ անոնց չարութիւն և անգթութիւն ընելու բուն պատճառն ի՛նչ էր”:

— “Յովսեփայ հօրը զաննիկա իրենցմէ աւելի սիրեն էր, այնպէս չէ՞”, հարցուց Յակոբ:

— “Այդ բանին համար նախ և առաջ սկսան զանի ատել, բայց անոնց չարութեան բուն պատճառն ան չէր: Ես ձեզի ըսեմ՝ ճիշդ ինչ էր այն պատճառը:

Յովսեփայ եղբայրները չար սիրտ ունէին, զԱստուած չէին սիրեր, և հօգ չէին ըներ անոր պատուիրածները կատարելու:

Անոնց սրտերը նախանձով, ատելութեամբ և ամէն տեսակ չար զգացումներով լեցուն էին. Աստուծոյ աղօթք չէին ըներ, որ Անիկա այս չար զգացումներն իրենց սրտերէն հանելով՝ տեղը բարի զգացումներ դնէր: Ուստի երբ անոնք տեսան թէ իրենց հայրն Յովսեփը աւելի կը սիրէր քան թէ զանոնք, մէկէն սկսան Յովսեփին ատել: Իրենց մտքերուն մէջ բարի բան մը չկար, որ զանոնք չար զգացումներէ և գործերէ արդիւնէր:

Ուրիշ մեծ ճշմարտութիւն մ’ալ ըսեմ ձեզի,

Բոլոր մարդիկ չարութեան հակամէտ սրտերով աշխարհ կուգան:

Եշխարհիս մէջ եղած բոլոր չար գործքերուն բուն պատճառն այս է: Յովսեփայ եղբայրներուն սրտերն ուրիշ մարդոց սրտերէն չար չէին. ինչու որ բոլոր մարդիկ մեղք գործելու հակամէտ սրտեր ունին ի բնէ: Իմ սիրելի պզտիկ տղայքս այսպիսի սրտերով ծնած են: Դուք ալ երբեմն չարութիւն կ’ընէք, այնպէս չէ՞, Մարիամ”:

« Այո , հայր , երբեմն կ'ընենք » , ըսաւ պզտիկ աղջիկը քիթին տակէն :

– « Բայց , եթէ ձեր սրտերը չար չըլլային , դուք բնաւ չար բան մը պիտի չընէիք , և այն , պիտի բան մ'ընելու փափաքն անգամ պիտի չունենայիք , քանի որ անոր գէշ բան ըլլալը գիտէիք : Միշտ պիտի սիրէիք աղէկ բաները և նեղ : Երբ մենք ուրիշները կը մեղագրենք , անոնց չար գործերուն համար , մոռնալու չենք թէ մենք ալ շատ անգամ մեղք կը գործենք , և անոնց պէս մեղանշելու հակամէտ սրտեր ունինք » :

## ԳԼՈՒԽ ԺԷ

### ԱՍՏՈՒԱԾ

#### ՄԵՐԻՆ ՍՈՒՐԻ ՍՏԵՂԵՆՅԵ

– « Ուրիշ ճշմարտութիւն մ'ալ պիտի ըսեմ ձեզի , եթէ դուք իմ ըսածներէս չէք ձանձրանար » , ըսաւ հայրը :

« Մտքերնիդ կուգայ արդեօք այն բաներն , որ քանի մը օր առաջ ըսի ձեզի ամէն բան ստեղծող Աստուծոյ վրայով » :

« Այո » , պատասխանեց Մարիամ , « դուն ըսիր թէ աշխարհն և ամէն տեսնուած բաներն Աստուած ստեղծեց » :

« Այնպէս է , բոլոր կենդանի արարածները , հրեշտակները , մարդիկը և ամէն տեսակ անասուններն Աստուած ստեղծեց : Աստուծոյ վրայով ըսածներէս ուրիշ բան մ'ալ կը յիշէք » , հարցուց դարձեալ հայրը :

« Գուն ըսիր թէ՛ Աստուած շատ բարերար է մեզի » , ըսաւ Յակոբ :

– « Այո , շատ բարերար է , միանդամայն սուրբ : Կը կարծէ՞ք թէ սուրբ Աստուած մը պիտի ստեղծէր մարդոց պէս չար սիրտ ունեցող արարածներ , որ կ'ուզեն Աստուծոյ արգելած բաներն ընել » :

« Ես չեմ կարծեր » , ըսաւ Մարիամ , « բայց բանը ի՞նչպէս եղաւ , հայր » :

– « Մտիկ ըրէ որ ըսեմ . Աստուած մարդը սուրբ ստեղծեց , սկիզբէն մարդուն վրայ մեղք չկար . անոր խորհուրդներն և ճամբաները բոլորն ալ բարի էին : Անատեն մարդը զԱստուած կը սիրէր , և ջանք կ'ընէր ամէն բանի մէջ Աստուծոյ հաճոյ ըլլալ : Անատեն աշխարհիս մէջ ոչ տրտմութիւն կար , ոչ լաց , ոչ ալ ցաւ . վասն զի մեղք չեղած տեղը տրտմութիւն ալ չկայ » :

Բայց դժբաղդաբար օր մը մարդը մեղք գործելով՝ անհնազանդ եղաւ այս բարերար և սուրբ Աստուծոյն :

Անատեն մարդուն սիրտը չարին հակամէտ եղաւ : Ասիկա մարդուն յանցանքովն եղաւ՝ ոչ թէ Աստուած զանի այնպէս ստեղծեց : Մարդը

փոխուեցաւ, բայց Աստուած անփոփոխ մնաց :  
Աստուած տակաւին բարերար և սուրբ է :

Ուրիշ ժամանակ գարձեալ այս բանիս վրայ  
ձեզի կը խօսիմ” :



## ԳԼՈՒԽ ԺԸ

Պ.ՕՏԻՎ ՄԵՂԻՔ ԶԱՆՅ

Նոյն օրը իրիկուան, Մարիամ գիշեր բարի՝  
ըսելու համար հօրը սենեակը մտաւ, և սա ալ  
ըսաւ անոր, « Հայր ես բան մը գիտեմ” :

« Իրա՛ւ, ի՞նչ բան գիտես, ըսէ տեսնեմ”,  
պատասխանեց հայրը :

– « Ես գիտեմ թէ որուն վրայով դուն այս  
առտու խօսեցար : Ադամի վրայ էր” :

– « Շիտակ ըսիր, Ադամ էր անոր անունը :  
Անիկա Աստուծոյ առաջին ստեղծած մարդն էր,  
Եւայ ալ առաջին կինը : Անոնք Աստուծոյ ար-  
գիլածն ընելով և սուրբ չմնալով, անոնց զաւ-  
կըններն ալ սուրբ չծնան :

Մենք Ադամայ ու Եւայի զաւակներն ենք,  
և բոլոր այս աշխարհիս մէջ եղած մարդիկ ա-  
նոնց զաւակներն են, և ամէնքս ալ չար սիրտ  
ունինք :

Բայց կրնա՞ք ինծի ըսել թէ ի՛նչ էր Աստու-  
ծոյ արգիլած բանը, որ Ադամ և Եւայ ըրին” :

« Այո, կրնամ ըսել”, պատասխանեց Յակոբ :  
« անոնք պտուղ քաղեցին ծառէ մը, որմէ Աս-  
տուած պատուիրած էր անոնց չուտել” :

– « Ուրախ եմ որ ըսածներս միտք կը պահէք,  
և հիմա կ’ուզեմ որ ջանք ընէք սա ալ միտք  
պահելու, թէ պզտիկ մեղք չկայ :

Գուցէ մեր նախածնողք կը խորհէին թէ ար-  
գիլուած ծառէն պտուղ մը քաղելը շատ պղզ-  
տիկ յանցանք է : Բայց այնպէս չէր, մեծ յան-  
ցանք էր, քանզի Աստուծոյ, իրենց արարչին,  
անհնազանդութիւն էր : Իմ սիրելի տղաքս, ա-  
սոր վրայ ամէն օր խորհեցէք, քանի որ կ’ապ-  
րիք, և բնաւ չար բան մը մ’ընէք՝ զայն պզտիկ  
մեղք համարելով, այլ յիշեցէք որ, որ և իցէ  
արգիլուած բան ընելը մեծ մեղք է : Գիշեր բա-  
րի” :



## ԳԼՈՒԽ ԺԹ

ԴԵՐԵՕՄԵՆԵՏՈՒՆԸ

Մարիամու և Յակոբայ տանը քով Եկեղեցի  
կար, և անոր մօտ գերեզմանատուն մը :

Գերեզմանատան դռները կղպուած չէին, և  
անոր մէջ քալելու լայն ճամբայ մը կար, որ  
դէպ’ի միւս կողմի գեղեցիկ արտերը կը տա-  
նէր : Անոնք շատ անգամ գերեզմանատունէն

արտերը կ'երթային, երբեմն անոնց հայրն ալ հետ կ'երթար :



Անոնց տանը պատուհաններէն գերեզմանատունը կը տեսնուէր, և շատ անգամ կը պատահէր որ երբ հոն մեռել մը կը բերուէր, տղայք թաղման պաշտօնը կը տեսնէին :

. Տղայք պզտիկ էին, բայց գիտէին թէ հողը դրուած սնտուկին մէջ ինչ կար, քանզի անոնց մէկ պզտիկ եղբայրը մեռնելով, այնպէս սընտուկով թաղուած էր :

Խեղճ տղայք շատ լացին, երբ իրենց սիրելի պզտիկ եղբայրը կորսնցուցին . և անոնց անտանելի կը թուէր, որ անոր մեռեալ մարմինը հողը պիտի դրուէր, և այնուհետեւ զանի բնաւ պիտի չկրնային տեսնել : Անոնց ծնողքը ջանացին զանոնք մխիթարել ըսելով՝ թէ պզտիկ եղբորը հողին երկինք գնաց, և թէ հոն աւելի երջանիկ պիտի ըլլայ :

Ծնողքն անոնց ըսին նաեւ որ, եթէ անոնք ալ Աստուծոյ հնազանդին և Տէր Յիսուս Քրիստոսը սիրեն, իրենց եղբայրը պիտի տեսնեն երկինքը, և անոր հետ յաւիտեան երջանիկ պիտի ըլլան :

Եղբորը մեռած ժամանակ Մարիամ և Յակոբ պզտիկ էին, և չէին կրնար աղէկ հասկընալ ամէն բան որ անոնց կ'ըսուէր . բայց կը հաւատային այն բաներուն :

Շատ անգամ կը խօսէին մեռած պզտիկ Յովհաննէսին վրայ, և կը զարմանային խորհելով՝ թէ արդեօք անիկա ինչ կ'ընէ երկինքը : Երբ գերեզմանատունէն կ'անցնէին շատ անգամ իրենց եղբորը գերեզմանին քով կը կայնէին, և անոր վրայ կը խօսակցէին :



Երբ իրենց տունը հիւրկուգար, կ'ուզէին գերեզմանատունը տանիլ զանի, և իրենց սիրելի պզտիկ Յովհաննէս եղբորը թաղուած տեղը ցուցընել . և բնաւ չէին մոռնար ըսելու թէ «Յով-

հաննէս երկինքն է հիւսա, և մենք ալ, եթէ բարի ըլլանք և Տէր Յիսուս Քրիստոսը սիրենք, հոն պիտի երթանք երբ մեռնինք : Անտուն Յովհաննէսը դարձեալ պիտի տեսնենք, և այլ եւս բնաւ պիտի չիզատուինք անիկէ, մեր հայրն ու մայրն ալ հոն պիտի ըլլան, և մենք անա-

տեն շատ երջանիկ պիտի ըլլանք” : Ասոնք էին այս պզտիկ տղոց խորհուրդները :

## ԳԼՈՒԽ Ի

ՊԵՏՐ Է ՈՐ ՄԵՂՐԻՆ ԳՆՏԺՈՒՒ

Ադամայ ու Եւայի վրայ խօսելուն հետեւեալ օրը Մարիամ և Յակոբ իրենց հօրը հետ գերեզմանատունը պտրակելու երթալով, սիրելի Յովհաննէսին գերեզմանին քով կայնեցան, և հայրն ըսաւ անոնց “Գիտէ՞ք, ինչո՞ւ համար ձեր եղբօրը մարմինը հողը դրուեցաւ” :

“Այո”, պատասխանեց պզտիկ աղջիկը արցունք թափելով, քանզի առանց արցունքի Յովհաննէսին վրայով չէր կրնար խորհիլ, “մեռաւ, և անկէ ետքը մարմինը գերեզման դրուեցաւ” :

“Բայց ինչո՞ւ մեռաւ”, դարձեալ հարցուց հայրը :

– “Հիւանդ ըլլալուն համար, այնպէս չէ՞, հայր” :

“Այո”, պատասխանեց հայրը, “շատ սաստիկ էր անոր հիւանդութիւնը. սիրելի մանկիկը շատ ցաւ քաշեց” :

Բայց ուրիշ բան մը պիտի հարցընեմ ձեզի : Ինչո՞ւ համար քու սիրելի եղբայրդ Յովհանն

նէս անանկ սաստիկ հիւանդութիւն և այնչափ ցաւ քաշեց” :

Մարիամ և Յակոբ երկուքն ալ շփոթեցան : “Հասկըցընեմ ձեզի” ըսաւ հայրը, “եթէ այս աշխարհիս մէջ մեղք չըլլար, ոչ ցաւ, ոչ հիւանդութիւն և ոչ ալ մահ պիտի ըլլար : Բայց Աստուծոյ կամքն և օրէնքն այս է որ մեղքը պատժուի, և մեղքին մէկ պատիժն ալ մահն է : Քու սիրելի եղբայրդ Յովհաննէս մեռաւ, մեղաւոր ծնողներէ ծնած ըլլալուն և մեղսալից բնութիւն ունենալուն համար” :

Ամենուն ալ մահուան բուն պատճառն այս է : Մահը տեսակ մը պատիժ է, որով սուրբ և արդար Աստուած կը պատժէ մեղքը : Աշխարհիս մէջ մեր կրած բոլոր արտաթիւնները մեր վրայ կու գան մեղանշական բնութիւն մը ունենալուս համար : Բայց ամենէն գէշն այս չէ. մարմինը մեռնելէն ետքը՝ անմահ հոգին ալ կրնայ պատժուիլ : Աստուած Սուրբ Գիրքին մէջ կ'իմացընէ մեզի թէ ամէն մեղք գործող հոգին պիտի պատժուի : Այնպիսի հոգի մը երկինք չի կրնար երթալ որ երջանիկ ըլլայ, այլ դժուրքը պիտի բանտարկուի, ուր ամէն բան թշուառութիւն է և ցաւ” :

## ԳԼՈՒԽ ԻԱ

## ՃՇՄԱՐՏՈՒԹԻՒՆՆԵՐՈՒՆ

ԵՄԵՆԷՆ ԼԵՒԸ

Խեղճ Մարիամ շատ տրամուլթիւն զգաց և շատ արցունք թափեց մինչ հայրը մեղաց պատժոյն վրայով կը խօսէր : Հայրը տեսաւ ասիկա, և չէր ուզեր որ աղջիկը տրտում մնար, ուստի ըսաւ, « Գերեզմանատունէն ելլենք, արտերը քիչ մը պտըտինք, և անատեն բան մ'ըսեմ քեզի և Յակոբայ, որով մխիթարուիք : Ճշմարտութիւններուն ամենէն լաւը ձեզի պիտի ըսեմ » :

Անատեն անոնք արտերը զացին, և քանի որ կ'երթային Մարիամու արցունքը կտրեցաւ : Թերեւս գիտէր հօրը զրուցելու այն ուրախարար և մեծ ճշմարտութիւնը, քանզի տարակոյս չկայ թէ շատ անգամ լսած էր անոր վրայով : Բայց այնպիսի ճշմարտութիւններ կան, որ անոնց վրայ որչափ որ խօսինք կամ խորհինք, տակաւին քիչ է :

— « Ձեզի բան մը կ'ուզեմ հարցընել. շատ անգամ լսած էք ինչ որ ես և ձեր սիրելի մայրը և ուրիշներ Տէր Յիսուս Քրիստոսի վրայով լսած և կարգացած ենք, այնպէս չէ՞ » :

« Այո, հայր, շատ անգամ », պատասխանեց Մարիամ :

— « Ուրեմն կրնա՞ն ըսել ինծի թէ Տէր Յիսուս Քրիստոս ո՞վ է » :

— « Այո, Աստուծոյ Որդին է » :

— « Ուստի սիրելի աղջիկս, մարդոց գիտցած ճշմարտութիւններուն ամենէն լաւը սա է որ, Տէր Յիսուս Քրիստոս, Աստուծոյ Որդին, աշխարհ եկաւ մեզի պէս մեղաւորները փրկելու : Հիմա մտիկ ըրէք, քանզի շատ կը փափաքեմ այս մեծ ճշմարտութիւնը պարզապէս ձեզի հասկըցընել :

Աստուած վճռած է որ եթէ մարդիկ Անոր դէմ մեղանչեն, պատժուին, տրամուլթիւն ունենան այս աշխարհիս մէջ, անոնց մարմինները մեռնին, հողիներն ալ երկինքէն աքսորուին : Մեր նախածնողք, Ադամ ու Եւայ, Աստուծոյ այս վճիռը գիտէին, սակայն Անոր դէմ մեղանչեցին : Նմանապէս բոլոր մարդիկ Աստուծոյ դէմ կը մեղանչեն : Ուստի պէտք է որ ամէնքը պատժուին, քանզի Աստուծոյ խօսքն ի հարկէ պիտի կատարուի : Բայց Աստուած ուզելով մեղաւորներուն հողիները փրկել, փրկիչ մը գտաւ, իր սիրելի Որդին, որ աշխարհ դալով մարդու մը պէս ապրեցաւ և խաչին վրայ մեռնելով՝ մեղաւորներուն տեղը մեղաց պատիժը կրեց . և այս կերպով Աստուծոյ խօսքն աւրուած չըլլալով՝ Անոր արդարութիւնը յայտնուեցաւ, և միանգամայն մարդոց փրկուելուն ճար մը գտնուեցաւ . քանզի ով որ իր մեղքե-



բուն վրայ զըջալով՝ Աստուծոյ սիրելի Որդւոյն անունովը թողութիւն կը խնդրէ՝ պիտի փրկուի :

Աստուած անոր նոր սիրտ և ուղիղ հոգի կուտայ, և այսպէս մարդը կը պատրաստուի երկինք երթալու և հոն բնակելու յաւիտեան :

Եթէ մենք այսպէս ընենք, Աստուած մեզ ալ պիտի պատրաստէ երկնից համար : Մեծ ճշմարտութիւններուն ամենէն լաւն ասիկա չէ՞” :

## ԳԼՈՒԽ ԻԲ

ՓՈՒՇԱՆ ԳՍԵՆԸ

Մարիամու և Յակոբայ Հայրն այն ժամանակ Աստուծոյ սիրոյն վրայ ուրիշ բան մը չըսաւ անոնց :

Գիտէր թէ պզտիկ տղայք կը ձանձրանան երբ բանի մը վրայով շատ կը խօսուի, և բնաւ չէր ուզեր անոնց մտքերն այսպէս ձանձրացընել. ուստի սկսաւ խօսիլ ուրիշ բաներու վրայ : Արտերուն մէկուն մէջ պզտիկ լիճ մը կար, որուն եզերքն երկայն կնիւն (սալ) կը բուսնէր : Հայրն ասոնցմէ քանի մը հատ քաղելով ըսաւ տղոցը, “Տղայութեանս ժամանակ շատ կը զուարճանայի կնիւներն հիւսելով և պզտիկ կողմեր շինելով :

Սիրելի քոյր մ’ունէի, որուն հետ շատ անգամ արտերը կ’երթայի, և ասոնց պէս կնիւներ կը ժողվէինք : Կը յիշեմ թէ անգամ մը զլիսարկ (շահ) շինեցինք քրոջս պաճուճապատանքին (պէպէ) համար” :

“Այսպիսի զլիսարկ մը շատ գեղեցիկ է”, ըսաւ Յակոբ :

“Ես ալ կ’ուզեմ այնպիսի զլիսարկ մ’ունենալ պաճուճապատանքիս համար”, ըսաւ Մարիամ. “Եթէ կամիս, ինծի համար հատ մը շինէ” :

“Հոս չեմ կրնար շինել”, պատասխանեց հայրը, “քանզի ասեղ և դերձան պէտք է : Բայց բան մը կրնանք ընել. հիմա ասոնցմէ շատ մը հիւսելով տուն կը տանիք, և յետոյ ձեր մօրմէն կը խնդրէք որ զանոնք մէկտեղ կարէ” :

Ուստի երեքն ալ նստան. և Մարիամ հօրը հիւսած ժամանակը կը դիտէր զանի :

Հայրն երբ բաւական հիւսեց, անոնցմէ պզտիկ պսակ մը շինելով՝ դրաւ Մարիամու գլուխը որ իր գլխարկը հանած էր : Մարիամ այնչափ հաւնեցաւ պսակին, որ կ’ուզէր զանիկա գլուխը դրած մինչեւ տուն երթալ, իր գլուխարկն ալ հօրը տալ : Բայց հայրը, “Ոչ”, ըսաւ, “լաւ է որ գլխարկդ դնես, և եթէ կ’ուզես՝ պսակն ալ ես կը տանիմ” : Աղջիկը հաճեցաւ այնպէս ընել, քանզի դիտէր թէ միշտ հօրը կամացը հպատակիլ աղէկ է :

Անոնց եղած տեղւոյն մօտերը տեսակ մը մո-


բենի կը բուսնէր, երկայն ճիւղերով և փուշերով լեցուն, որ ճամբուն վրայ կախուած էին:

Մարիամն շրջազգեստը (Ֆլորան) փուշերուն մէկէն բռնուեցաւ, և պէտք եղաւ որ հայրը զայն ազատէր անկէ: «Այսպիսի փշոտ ճիւղերէ շինուած պսակ մը կը սիրեն», հարցուց հայրը, երբ Մարիամ փուշերէն ազատած էր:

– «Ամենեւին չեմ սիրեր, հայր, ան զիս պիտի ճանկրուտէ, ինծի պիտի քնասէ, և միսս պիտի արկնոտէ»:

«Կարծեմ թէ այնպէս պիտի ըլլար», ըսաւ հայրը, «ես բնաւ չեմ ուզեր քեզի քնասել, աւելի կ'ընտրեմ ինծի քնասել քան թէ քեզի: Գիտեն արդեօք, ատենօք որո՞ւն գլուխը փուշէ պսակ դրին»:

«Յիսուսին», պատասխանեց պզտիկ աղջիկը: Այսպէս խօսակցելով տուն հասան:



### ԳԼՈՒԽ ԻԳ

### ՊԶՏԻԿ ՏՂՈՅ

ՀՐԵՄԵՆ ԱՅՅ ԳԲԻՍՏՈՍԻ ԵՐԹԱՆՈՒ

Մարիամ և Յակոբ միշտ կ'ուզէին պառկելէն առաջ իրենց հօրը սենեակն երթալ և, Գի-

շեր բարի, ըսել անոր և եթէ անատեն հայրը շատ դործ չունենար, դանոնք քովը կ'առնէր և այլեւայլ նիւթերու վրայ քիչ մը անոնց հետ կը խօսէր:

Վերը յիշուած խօսակցութեան գիշերը, երբ տղայք անոր քով նստած էին, հայրն ըսաւ, «Կը յիշէ՞ք ինչ բանի վրայ էր մեր խօսակցութիւնը գերեզմանատան և արտերուն մէջ»:

«Տէր Յիսուս Գրիստոսի վրայով էր», պատասխանեց Յակոբ:

«Այնպէս էր», ըսաւ հայրը. «ուրեմն կըրնա՞ք ըսել ինծի թէ ո՞ւր է հիմա Տէր Յիսուս»:

«Երկինքն է», ըսաւ պզտիկ աղջիկը:

– «Ուրիշ տեղ ալ չէ՞»:

«Չեմ գիտեր», պատասխանեց Մարիամ:

«Երկրիս վրայ ալ է», ըսաւ հայրը. «Անիկա Սատուած է, ինչպէս որ մարդ ալ է. քանզի Հայրը, Որդին և Սուրբ Հոգին մէկ Սատուած է: Այսպէս ըլլալով՝ Անիկա կարող է մեղաւորները փրկել, և բոլոր իրեն եկողները օրհնել: Բայց կ'երեւայ թէ դուք չէք գիտեր անոր երթալ ինչ ըսել է: Աղօթք ընել սորված էք. երբեմն քովս ծունր դնելով աղօթք կ'ընէք ինչպէս որ պիտի ընէք այս իրիկուն»:

Կը յուսամ թէ աղօթքի մէջ ինչ որ պիտի ըսէք, անոր վրայ պիտի խորհիք»:

Անատեն տղայքը ծունր դրին հօրը քով, և քանի մը պարզ խօսքերով կարճաւօր աղօթք

մ'ըրին՝ ինչպէս որ սորված էին : Կարծեմ թէ անոնց հայրն ալ աղօթք մ'ըսաւ, անոնց ծնկան վրայ եղած ժամանակը :

Աղօթքը լմնցնելէն ետքը հայրն ըսաւ, «Սիրելի տղայքս, եթէ սրտանց աղօթք ընէք, Յիսուս Գրիստոսի գացող կ'ըլլաք : Ով որ անկեղծութեամբ Գրիստոսի աղօթք կ'ընէ, և կը հաւատայ թէ Անիկա կարող է իրեն ներել և զինքն օրհնել, Անոր գացած կ'ըլլայ, և Ան ալ ըսած է թէ իրեն գացողներուն մէկը պիտի չլուրնատուի : Ուրիշ մեծ ճշմարտութիւն մ'ալ պիտի ըսեմ ձեզի, որ ձեր սիրտերն ուրախացնէ երբ անոր վրայ խորհիք, այսինքն թէ՛ պզտիկ տղայոց հրաման կայ Գրիստոսի երթալ :



Անիկա, 'Թող դան', ըսած է : Երբ ամենակալ երբ ինք երկրիս վրայ էր, ծնողք իրենց տղայքն անոր բերին, որ անոնց վրայ ձեռք դնէ և զանոնք օրհնէ :

Քովը կեցող քանի մը չափահաս մարդիկ կը յանդիմանէին բերողները, բայց Աստուծոյ բարերար և հեզ Որդին ըսաւ, «Թող տուէք ատմանը տողոցը, և մի արգիլէք ատոնք ինծի դալէն, ինչու որ երկնից թագաւորութիւնը ատանկներունն է» :

## ԳԼՈՒԽ ԻԴ

ՎԵՆԵՆԵՆ ՏԵՐԵԿԵՐՁԸ

Աստու մը Մարիամու և Յակոբայ հօրը սենեակին դուռը զարնուեցաւ, բայց ձայնը քիչ ըլլալուն համար, հայրը վստահ չէր թէ իրօք դուռը կը զարնուէր թէ ոչ. ուստի առանց բան մ'ըսելու ականջ դրաւ : Քիչ մ'ետքը դուռը նորէն զարնուեցաւ աւելի ուժով, և անատեն «Հրամանեցէք», ըսաւ հայրը : Դուռը բացուեցաւ, և պզտիկ Մարիամ և եղբայրը ներս մտնելով ըսին, «Հայր, հիմա մենք սորվեցանք քու դուռդ բանալ. ուստի երբ ուրիշ անգամ զարնենք, հարկ չէ որ դուն տեղէդ ելլես» :

«Կը տեսնեմ որ դուք կրնաք դուռու բանալ», ըսաւ հայրը, «բայց ձեռքիդ ի՞նչ է, Յակոբ» :  
– «Չե՞ս գիտեր, հայր, այսօր չորս տարին լմնցուցի, ու հինգերորդը մտայ, և ասիկա իմ

ծննդեանս տարեդարձին կարկանդակն է, որ քեզի համար բերի” :

Այն կարկանդակը շատ աղէկ էր, քանզի Յակոբայ մայրը շինած էր զայն : Երբ Հայրը կերաւ “Շատ աղէկ է”, ըսաւ : Ասոր վրայ Յակոբ ուրախ եղաւ . մեծ տրտմութեան պատճառ պիտի ըլլար անոր՝ եթէ կարկանդակը շինուելու ժամանակ աւուրէր :

“Քու տարեդարձդ մոռցած չէի, Յակոբ”, ըսաւ հայրը, “ծնողք այնպիսի օրերը չեն մոռնար :

Ես չամչով կարկանդակ չունիմ որ քեզի տամ, բայց կարծեմ թէ պզտիկ գիրք մը կրնամ գրտնել տարեդարձիդ օրը պարգեւ տալու քեզի :

Հիմա կրնաս քիչ մը կարդալ, և թերեւս գալու տարեդարձէն առաջ, բոլորովին պիտի լմնցընես այս գիրքը, և անատեն աւելի մեծը կուտամ քեզի” :

Յակոբ Հօրմէն խնդրեց որ իր անունը գրէ գրքին մէջ, և ըսաւ, “Այսօր ասկէ քիչ մը պիտի կարդամ մօրս” :

“Յակոբ”, ըսաւ հայրը, “կարծեմ թէ քիչ մ’առաջ ըսած խօսքերուս վրայ աղէկ խորհած չէի, երբ զանոնք ըսի : Կը յիշե՞ս ինչ ըսի քեզի” :

– “Ըսիր թէ գալու տարեդարձիս աւելի մեծ գիրք մը պիտի տաս ինծի, հայր” :

– “Այո, բայց կրնայ ըլլալ որ իմ պզտիկ տղաս չպարի մինչ միւս տարեդարձին օրը : Յակոբ,

կը ջանաս այս ճշմարտութիւնը միտքդ պահել, թէ չորս տարեկան պզտիկ տղան ալ կրնայ մեռնիլ” :

“Եթէ այնպիսի բան մը պատահի, երանի՛ր թէ այն ատեն երկինք երթայի ես”, ըսաւ Յակոբ :

“Ուստի, սիրելի զաւակս, եթէ ատանկ փափաք մ’ունիս, պէտք է որ հիմակուրնէ սկսած Յիսուսը սիրել և անոր աշակերտն ըլլալ”, պատասխանեց հայրը :

## ԳԼՈՒԽ ԻԵ

ՓՈԹՈՐԻՒՄ ՄԿ

Յակոբայ ծննդեան տարեդարձէն քանի մ’օր ետքը մեծ փոթորիկ մը ելաւ, որ գիշերուրնէ սկսաւ : Մարիամ և Յակոբ չարթընցան, քանզի տղոց քունը ընդհանրապէս խորունկ է, բայց անոնց հայրն ու մայրը քանի մը ժամ շարունակ հովին անձրեւին և որոտման ձայնը լսած, և փայլատականց պայծառ լոյսը տեսած էին : Երբ Մարիամ և Յակոբ ալ առտուանց անկողինէն ելան, այն սոսկալի որոտումը լսելով՝ շատ վախցան, և կը կարծէին թէ այնչափ առատ անձրեւ բնաւ տեսած չէին :

Մեննց պատուհանին դիմացի ճամբան լիճ մը  
գարձած էր, հոն ալ այնչափ սաստիկ էր, որ  
ծխնեկուզին մէջէն փչած ժամանակը կը լսուէր  
անոր ձայնը: Տղայք կը կարծէին թէ տունը կը  
չարժէր, ուստի և շատ ուրախացան երբ ծնո-  
ղաց քով երթալու պատրաստուեցան:

Նախաճաշի սենեակէն պարտեզը կը տես-  
նուէր: Նախընթաց օրը՝ այս պարտիզին ճամբուն  
երկու կողմի բարձր կոթերով և դեղեցիկ դը-  
լուխներով շուշաններուն վրայ կը սքանչանային  
տղայքը, բայց հիմա տեսան որ այն ծաղիկները  
հովէն ծռած և անձրեւէն զարնուած էին, այն-  
պէս որ անոնց դեղեցիկութիւնը բոլորովին խան-  
դարուած էր: Տղայք շատ տրտուեցան շուշան-  
ներուն այսպէս աւրուած ըլլալուն վրայ: Մնձ-  
րեւը դեռ կուգար և հովը կը փչէր, թէեւ  
փայլատակէն այնչափ սաստիկ, որոտման ձայնն  
ալ գիշերուան պէս չէր, բայց դեռ Մարիամ  
ու Յակոբը վախըրնելու չափ բան կար, այնպէս  
որ անոնք սիրտ չունէին խաղալու:

Նախաճաշի ժամանակ հայրը խօսելով Աս-  
տուծոյ մարդասիրութեանը վրայ ըսաւ անոնց,  
«Փոթորիկը կը զրկուի օդը մաքրելու և զայն  
պարզ ու առողջարար ընելու համար»:

Խօսեցաւ նաև Աստուծոյ ողորմութեանը  
վրայ՝ որ զանոնք անվտանգ պահած էր բոլոր  
գիշերը, միանդամայն ըսաւ անոնց թէ Աստու-  
ծոյ համար որչափ դիւրին է, եթէ կամենայ,

այնպիսի փոթորիկ մը զրկել որ մէկ ժամու մէջ  
ամբողջ երկիրը կործանէ: Նաև չմոռցաւ ըսե-  
լու տղոցը թէ բոլոր զԱստուած սիրողներն ա-  
պահով են ամէն փոթորիկէ, և թէ բան մը չի-  
կրնար անոնց վնասել. քանզի եթէ իրենց երկ-  
նաւոր Հայրը յարմար կը տեսնէ զանոնք պա-  
հել, փոթորիկ մը չի կրնար գպչիլ անոնց, և  
թէ երբ Աստուած յարմար կը տեսնէ որ անոնք  
մեռնին փոթորիկով կամ ուրիշ կերպով, անա-  
տեն անոնց երանեալ հոգիներն իր քովը կ'առ-  
նու:



## ԳԼՈՒԽ ԻԶ

### ՎՏՍՆԳԸ ՄԵՁ ՄԵՐ

ՊԵՐՏԵՒՈՐՈՒԹՅՈՒՆԸ ԿԵՏԵՐԷԼԷ ԵՏ ՊԵՆԵԼՈՒ ԶԷ:

Կէս օրուան ատենները փոթորիկն անցնելով՝  
հովը կտրեցաւ, անձրեւը դադրեցաւ, որո-  
տում չէր լսուեր և փայլատականց լոյսն ալ  
չէր տեսնուեր: Արեգակն ամպերուն ետեւէն  
ելլելով՝ այնպէս պայծառ կը ծագէր, որ ճամ-  
բաները շուտով սկսան չորնալ, և պզտիկ թըռ-  
չուններն՝ որ մինչեւ այն ատենը հանգարտ և  
լուիկ կեցած էին, հիմա ծառէ ծառ կը թըռ-

չըտէին և իրենց անուշիկ երգովն օգը կը լեցնէին :

Մարիամ և Յակոբ շատ ուրախացան որ փոթորիկն անցաւ :

Քայց մինչ անոնք կ'ուրախանային, անոնց ծնողքը տխուր լուր մ'առին :

Մարդ մը եկաւ անոնց իմացընելու թէ ծովուն մօտ տուներուն մէջ բնակող խեղճ կանայք և տղայք շատ տրտմութեան մէջ են . քանզի իրենց ընտանիքէն բոլոր ձկնորսներն առջի գիշերը նաւակներով ծովն ելած էին ձուկ բռնելու, և հիմա այն նաւակներէն միայն մէկը կը տեսնուէր . ուստի կը վախնային թէ միւս նաւակներն ընկղմած և բոլոր մէջի մարդիկ խեղճուած էին : Նաեւ կ'երեւար թէ տեսնուած նաւակն անգամ պիտի չկրնար ցամաքը հասնիլ : Երբ Մարիամու ու Յակոբայ հայրը լսեց ասիկա, թէեւ շատ յոյս չունէր որ պիտի կըրնար ձկնորսներուն մեծ օգնութիւն մ'ընել, բայց ինքզինք պարտաւոր կը ճանչնար ձեռքէն եկածն ընել : Արդէն յիշուած է թէ ինք ժամանակաւ ճամբորդութիւն ըրած էր . ուստի գիտէր ծովուն վտանգներն, և կը կարծէր թէ կարող պիտի ըլլար դէթ քիչ մը օգնել վտանգի մէջ եղող այն խեղճ մարդոց . ուրեմն ելաւ նաւաստեաց հանդերձին նման խոշոր հանդերձ մը հագաւ որ ծովն երթայ :

Մարիամ իր հօրն երթալը տեսնելով՝ լալ

սկսաւ, և կը խնդրէր անկէ որ նաւակով ծովը չելլէ, չըլլայ թէ խեղճուի : Հայրը համբուրեց պզտիկ աղջիկը, և ըսաւ, « կը խոստանամ զգուշանալ և վայրապար զիս վտանգի մէջ չձգել Բայց առտուան ըսածս միտքդ բեր, և սա մեծ ճշմարտութիւնն ալ յիշէ, սիրելի Մարիամն, թէ մենք պարտաւոր ենք ըստ կարի օգնել մեր ընկերներուն և թէ վտանգը մեզ այս պարտաւորութենէն ետ պահելու չէ » :

Անատեն հայրն ու մայրն իրարու հետ քիչ մը խօսելէն ետքը, հայրը պզտիկ աղջիկն ու Յակոբը համբուրելով, « Մնաք բարով », ըսաւ, և շուտ մը դէպ 'ի ծով քալեց :

## ԳԼՈՒԽ ԻԷ

### ՏՂԱՅՈՑ ՀԱՅՐՆ

ԵՊԵՆՈՎ ԵՒ ԴԵՌՆԵՑ

Մարիամ և Յակոբ այն օրէն առաջ իրենց հայրը նաւաստեայ հագուստով տեսած էին : Ամառները երբեմն անիկա տղայքն և անոնց մայրը կ'առնէր և նաւակով ծովը կ'ելլէր : Անատեն նաւավարի գլխարկ և բաճկոն կը հագնէր, և տղայքն անոր վրայ ձկնորսի հագուստը տեսնելով կը խնդային : Քայց հիմա չլսնդացին : Անոնց սրտերը վախով լեցուած էին,

յիշելով որ իրենց հայրը համարձակութեամբ այնպիսի մեծ փոթորկէ մը ետքն այն ալեկոծեալ ծովը պիտի ելլէր : Սակայն մայրը շատ ջանաց անոնց հողը փարատել :

Շատ ժամանակ տեւեց մինչեւ որ հայրը տուն դարձաւ : Կէս օրին չեկաւ, և ընթրիքին ժամանակն ալ դեռ դուրսն էր :

« Թող տուր որ քիչ մ'ալ կենամ, մայր », ըսաւ Մարիամ, երբ պառկելու ժամանակն եկաւ, « թերեւս հայրս հիմա կուգայ » :

Յակօր ալ ըսաւ, « Ես ալ կ'ուզեմ պառկելս առաջ զանիկատեանն » : Մայրը հաճեցաւ անոնց խնդիրքը կատարել, անոնք ալ պատուհանին առջեւը կայնած հօրը դալուն կըսպասէին :

Վերջապէս ճիշդ երբ տղոց մայրն, « Ալ հիմա պառկելու էք », կ'ըսէր, տղայք պոռացին, « Ահա կուգայ, հայրս կուգայ », և սենեակէն դուրս փողոցը վազեցին զանի գիմաւորելու : Եկողն արդարեւ հայրն էր : Անիկա զանոնք գիրկն առաւ ու ըսաւ, « Ի՞նչ է աս, իմ պղզտիկ զաւկներս, տակաւին պառկած չէ՞ք » :

– « Ոչ, քանզի մայրս հրաման տուաւ որ ըսպասենք : Բայց, հայր, քու լաթերդ օրչափ թաց են : Ինչէ՞ն սյսպէս եղան » :

« Վաղը կը պատմեմ ձեզի », ըսաւ հայրը, « հիմա պառկելու էք, շնորհակալ եմ ձեզի որ դուրս ելած ժամանակս զիս մտքէ չհանեցիք » :

Այս միջոցին տուն մտան, և տղայքն իրենց յօժար կամօքը ննջելու դացին :

Բայց երթալէն առաջ չմուցան հարցընել թէ արդեօք այն խեղճ ձկնորսներէն խեղդուող եղա՞ւ : « Ոչ, մէկը չխեղդուեցաւ, ուրախութեամբ կ'ըսեմ թէ բոլորն ալ ողջ մնացին », ըսաւ հայրը :

## ԳԼՈՒԽ ԻԸ

ՆՈՒՅՆՆԵՐԸ

Հետեւեալ առտուն նախաճաշկէն ետքը հայրը հարցուց իր զաւկներուն, « Հետս պտըտելու երթալ կ'ուզէ՞ք այս առտու » :

« Այո, հայր », պատասխանեցին երկուքն ալ, և ժամանակ չկորսնցընելով իրենց սենեակը վազեցին, ու շուտով եկան դուրս երթալու պատրաստ :

Հայրն ալ պատրաստ ըլլալով՝ մէկտեղ ճամբայ ելան :


« Ո՛ւր պիտի երթանք, հայր », հարցուց Մարիամ :

« Բլրոյն դադաթը, և ետքը ձկնորսներուն տնակները », ըսաւ հայրը :

« Ուրախ եմ », ըսաւ աղջիկը. « ուրեմն իրիկուան պատահած բաները պիտի պատմես, և պատմած ժամանակդ մենք ալ ծովը կրնանք նայիլ » :

Պայծառ առտու մըն էր, միայն հովը քիչ մը

շատ էր, քանզի փոթորկէն ետքը դեռ բոլորովին իջած չէր: Ճամբան տեղ տեղ տղմոտ էր, բայց աղոյ հողը չէր, քանզի անոնց ոտքի ամանները հաստ էին, և ուր որ ճամբան շատ դէշ էր, հայրը կը գրկէր աղայքը: Ծուտով բլրոյն գագաթը հասան, և հոն նստարանները չոր գտնելով՝ նստան քիչ մը յողնութիւն առնելու:



Ծոփն առջի օրը տեսածնուն պէս հանդարտ և խաղաղ չէր. մեծ ու բարձր ալիքները ցամաքին կը զարնէին, և ճերմակ փրփուրներ օդն ՚ի վեր կը հանէին: Ալիքներուն ձայնն այնչափ սաստիկ էր, որ հարկ եղաւ Մարիամու, Յակոբայ և հօրը բարձրաձայն խօսիլ որ զիրար հասկընալու կարող ըլլան:

Տղայոց տեղը բարձր ըլլալով ծովէն վախ չունէր, և աղայք կը սիրէին ալիքներուն ձայնը լսել:

«Հայր», ըսին անոնք, «հիմա իրիկուան պա»

տահածը, և այնպէս թրջելուդ պատճառը կը հաճի՞ն մեզի պատմել՝:

## ԳԼՈՒԽ ԻԹ

### ՉԿՆՈՐՄՆԵՐՈՒՆ

ՍՏԵՆԳԻ ՄԵՂ ԻՅՆԱԼԸ

Հայրն ըսաւ, «Երեկ երբ այն տնակները հասայ, գտայ որ մեզի պատմուածը շիտակ էր:

Խեղճ կանայք շատ տրտմութեան մէջ էին: Ծովուն վրայ միայն մէկ նաւակ կը տեսնուէր: Աւելի արեկոծութիւն կար քան թէ հիմա. ծովեզերքը քանի մը մարդիկ կային, որ այն մէկ հատիկ նաւակը կը դիտէին:

«Բայց, հայր» հարցոց պզտիկ աղջիկը, «այն մարդիկն ինչո՞ւ համար ծոփն ելան այնպիսի փոթորկի ժամանակ»:

— «Սիրելիս, անոնք փոթորիկը սկսելէն առաջ դացած էին: Չկնորսներն երբեմն իրիկուրնէ կ'ելլեն, և բոլոր գիշերը ծովը կը կենան ձուկ բռնելու համար: Այս անգամ ալ այնպէս ըրած էին, և մինչեւ կէս գիշեր ծովը հանդարտ էր:

Ալիքները մեր տեսած նաւակն ասդին անդին կը տարուբերէին, և կը վախնայինք թէ այն




խեղճ ձկնորսները ծոփն ընկղմած էին փոթորկին սաստկութենէն :

Բայց մինչ այսպէս կը խօսէինք, ո՛հ, ի՛նչ ուրախութիւն զգացինք, երբ հեռուէն տեսանք որ պզտիկ առաքաստ մը բացուեցաւ, և նաւակ մը երթալով ծովեզերքին մօտեցաւ, և տեսանք որ ամէն բան տեղն էր : Նաւակին մէջ երեք մարդ կ'օր : Շատ ուրախ պիտի ըլլայիք եթէ այն խեղճ մարդոց կնիկները տեսած ըլլայիք, որոնք նաւակը դեռ ցամաքը չքաշած՝ ալիքներուն մէջէն կը վազէին զանոնք դիմաւորելու : Ծովեզերքը դանուող մարդիկ ըստ կարի օգնութիւն ըրին խեղճ ձկնորսներուն, և արդարեւ անոնք օգնութեան կարօտ էին : Թէ և փոթորկին վտանգներէն ազատած էին, բայց շատ յոգնած էին :

Ստիկա միայն մէկ նաւակն էր, միւս երկուքըն ո՛ւր էին : Եկած մարդիկը չէին կրնար ըսել : Փոթորիկը սկսելէն ետքն այլեւս տեսած չէին զանոնք : Ուստի մինչ կնիկներէն ոմանք ուրախութեամբ լեցուած էին որ այրերն ապահով դարձան, ուրիշները դառնապէս կուլային որ չըլլայ թէ իրենց էրիկները կորսուած ըլլային : Բայց Երկնաւոր Հայրը հաճեցաւ անոնց ալ տրամութիւնն ուրախութեան փոխել :

Առաջին նաւակը ցամաքը քաշուելէն քիչ մը ետքը, մէկը, որ դիտակով ծովը կը նայէր, յանկարծ պոռաց, « Նաւակի պէս բան մը կը տեսնեմ » :



Ամէնքս ալ մեր աչքերն ա՛նոր ցուցուցած տեղը դարձուցինք, և պզտիկ բժի մը չափ բան մը տեսանք : Այն մարդը կըր-

կին ըսաւ, « Տեսածս նաւակ մըն է, բայց տակն ու վրայ եղած է » : Անտոնն դիտակն ինծի տուաւ՝ ես ալ նայելով տեսայ թէ ըսածը ճշմարիտ էր . նաւակը տակն ու վրայ եղած էր, բայց ինծի կողքար թէ անոր վրայ մարդու նման բան մը կը տեսնէի : Ուստի առանց ժամանակ կորսնցնելու՝ վեց մարդիկ ուրիշ նաւակ մը մտան ծոփն ելլելու : « Դուն ալ մտա՞ր, հայր », հարցուց աղջիկը :

— Այո՞, Մարիամ, « այն վեց մարդոց մէկն ալ ես եղայ » :

« Ուրեմն քու հանդերձիդ այնպէս թրջուած ըլլալուն պատճառն այս է », ըսաւ Մարիամ . « այն տակն ու վրայ եղած նաւակին հասա՞ր » :

— Այո, ուրախութեամբ կ'ըսեմ, յարմար ժամանակին հասնելով՝ այն խեղճ մարդիկը խեղդուելէ ազատեցինք : Երկու անձինք կային հոն՝ որ նաւակը բռնած կախուած էին, բայց անոնց յոյժը դրեթէ հատած էր, վասն զի քանի մը ժամ այնպէս կախուած մնացած էին :

Արդարեւ, որչափ հնար էր, արագ թի քաշեցինք անոնց շուտով հասնելու համար, և շատ ուրախացանք երբ այն երկու կէս խեղդուած մարդոց հետ նորէն ցամաքը հասանք” :

– “Միւս նաւակն ի՞նչ եղաւ, հայր, քանզի ըսիր թէ երեք հատ էին” :

– “Սյնպէս է, և անոր համար էր որ երէկ իրիկուն այնչափ ժամանակ սպասեցի, քանզի ծովեզերքէն մատ մ’անդին չգացի մինչեւ որ միւս նաւակը չտեսայ, և ետքը քիչ մ’ալ սպասեցի մինչեւ որ ձկնորսներն ողջ առողջ ցամաքը ելած տեսայ” :

Անոնցմէ բաժնուած ժամանակս ամէնքը՝ այսինքն ձկնորսներն, անոնց կանայքն և տղայքը շատ գոհ և ուրախ էին, քանզի թէեւ ձուկ բռնուած չէր, թերեւս նաւակ մ’ալ կորսուած էր, ձկնորսներէն ոմանք ալ շատ վտանգաւոր վիճակի մէջ ինկած էին, բայց փոթորկէն կեանքի կորուստ չկար: Հիմա տնակներն երթանք, և հարցընենք այն խեղճ մարդոց վրայով, որ այնչափ ժամանակ նաւակէն կախուած ջուրին մէջ մնացին” :

## ԳԼՈՒԽ Լ

ՇԱՐԿԱՅԻՆ ԱՌԹՅՈՒՆ

Երբ Մարիամ և Յակոբ դէպ ՚ի ձկնորսներուն տուններն երթալու ճամբայ ելան, իրենց հօրն

առջեւէն վազեցին, քանզի ճամբան աղէկ դիտէին: Երբ հոն մտեցան, տեսան որ ձկնորսներէն ոմանք առադաստներ և ուռկաններ կարկըտելու զբաղած էին:

Ամենէն առաջ տղայքն և անոնց հայրն այն մարդիկը տեսնելու դաջին որոնք խեղդուելու վտանգէն ազատուած էին: Ասոնք իրենց կանանց խնամովը քիչ մ’աղէկցած էին և կրնային քալել, ու կ’ըսէին «Քանի մը օրէն նորէն ծովը ելլելու կարող պիտի ըլլանք”:

«Բայց ի՞նչպէս կրնաք երթալ անանց նաւակի”, հարցուց Յակոբ: Անոնք պատասխան տուին, «Նաւակը կորսուած չէ, այլ գտնուած և ցամաքը հանուած է, և շատ վնասուած ալ չէ” : Մարիամու ու Յակոբայ հայրը շատ ուրախացաւ այս ըսելով, քանզի դիտէր թէ այն մարդիկը շատ նեղութիւն պիտի քաշէին եթէ անոնց նաւակը կորսուած ըլլար” :

Չկնորսներն իրենց ընտանեացը հետ շատ շնորհակալութիւն յայտնեցին տղոց հօրն՝ որ այն օգնութիւնն ըրաւ անոնց: Մարիամ և Յակոբ ասոնց խօսքը մեծ հաճութեամբ մտիկ ըրին, և շատ ալ ուրախ եղան, որ իրենց հայրն ուրիշներուն օգնած էր իր կեանքը վտանգի դնելով:

Հայրն ալ ըսաւ ձկնորսներուն, «Կը յուսամ թէ ձեզ վտանգէ և մահէ ազատողին շնորհակալ ըլլալու մտեցած չէք: Եթէ Աստուած չօգ-

ներ ձեզի՝ մարդոց օգնութիւնը պարապ պիտի  
լլար : Ձեզմէ կը խնդրեմ որ այս ճշմարտու-  
թիւնը յիշէք, թէ ամէն օր ցամաքի և ծովու-  
վրայ մեզ վտանգէ ազատ պահողն Աստուած է :  
Յետոյ իր դրպանէն (Յէ՛ռ) պզտիկ Աստուածա-  
շունչ մը հանելով, հարցուց այն մարդոցը «Ժա-  
մանակ ունի՞ք որ ձեզի ասկէ քանի մը տուն  
կարդամ» :

«Այո», ըսին անոնք, «ունինք և կ'ուզենք  
մտիկ ընել եթէ կը կարդաք», և անոր բոլոր-  
տիքը ժողովուեցան, անոնց կանայքն ու տղայքն  
ալ մէկտեղ :

Շատ զուարճալի բան էր տեսնել այնքան  
զուարթ գէմքեր՝ այնպիսի տեղ մը ուր օր մ'ա-  
ռաջ մեծ տրտմութիւն կը տիրէր : Տղոց հայրը  
սկսաւ կարդալ 107<sup>րդ</sup> Սաղմոսին սա հետեւեալ  
տուններն :

«Նաւերով ծովը ինջնողները,

Ու մեծ ջուրերու մէջ գործ գործողները,

Անոնք Տէրոջը գործքերը

Ու անոր հրաշքները կը տեսնեն անդունդին  
մէջ :

Վասն զի ան կ'ըսէ, ու մրրկալից հովը կը  
հանէ,

Որ անոր ալիքները կը բարձրացընէ :

Երկինքը կ'ելլեն, ու անդունդը կ'իջնեն .

Անոնց անձերը նեղութենէ կը հալին .

Գինով մարդու պէս կը դողդղան ու կ'երերան :

Եւ անոնց բոլոր իմաստութիւնը կը հատնի :  
Անատենը Տէրոջը կ'աղաղակեն իրենց նեղու-  
թեանը մէջ,

Ու կը փրկէ զանոնք իրենց տառապանքներէն :  
Մըրիկը հանդարտութեան կը դարձընէ,

Ու ալիքները կը դադարին :

Իրենք ալ կ'ուրախանան որ դադարեցան .

Եւ կ'առաջնորդէ անոնց իրենց ուզած նա-  
ւահանգիստը :

Թող դոհանան Տէրոջմէն իր ողորմութեանը  
համար,

Ու մարդոց որդիներուն իր ըրած հրաշքնե-  
րուն համար” :

Ասոնք կարդալէն ետքը տղոց հայրն ուրիշ  
քանի մը խօսք ալ ըրաւ ձկնորսներուն, խրնդ-  
րելով անոնցմէ՝ որ յիշեն թէ միայն Աստուած  
կարող է մեզ ազատել թէ այս աշխարհիս վտանգ-  
ներէն և թէ հանդերձելոյն մէջ մեղաց արժա-  
նաւոր պատիժէն : Յետոյ, «Մնաք բարով՝  
ըսելով, Մարիամու ու Յակոբայ հետ բլուրն  
ելաւ :

## ԳԼՈՒԽ ԼԱ

## ԱՍՏՈՒԾՈՅ ՔԱՂՅՐՈՒԹԻՒՆՆԵՐ

ՄԵ.Օ. ԵՊԵՇԽԵՐՈՒԹԻՒՆՆ ԿՆՈՒՄՔՆՈՐԴԻ:

Մինչ տուն կ'երթային, ճամբան Յակոբայ ու Մարիամու հայրը հարցուց անոնց, « Հասկը՞ցա՞ք Աստուածաշունչէն կարդացածս »:

« Կարծեմ թէ քիչ մը հասկըցայ », ըսաւ Մարիամ :

« Ուրեմն կը յուսամ թէ այն հասկըցածդ պիտի չմոռնաս : Այն մարդիկը, որ այսօր ողջ և առողջ տեսաք, կրնային ծովուն մէջ խեղդուիլ եթէ Աստուծոյ ողորմութիւնն և քաղցրութիւնը զանոնք պահած չըլլար, և այն ատենը անոնց խեղճ կանայքն ու տղայքը շատ տրտմութեան ու ցաւի մէջ պիտի մնային :

Կը վախնամ թէ անոնցմէ ոմանք այս ողորմութեանը վրայ պէտք եղածին չափ չեն խորհիր :

Մարդիկ Աստուծոյ վրայ ըստ արժանւոյն չեն խորհիր. արդարեւ ոմանք անոր վրայով շնաւ չեն խորհիր, բայց միայն անատենը որ նեղութեան մէջ կ'իյնան : Ասիկա շատ ցաւալի է և կը ցուցնէ թէ անոնց սրտերը չար են :

Ոմանք թէպէտ միշտ այնպիսի բաներ կ'ընեն

որ գիտեն թէ Աստուած արգիլած է իր Սուրբ Գրքին մէջ, և ընաւ մտքերնէն չեն անցընել անոր պատուէրները, սակայն երբ վտանգի մէջ կ'ըլլան, անատեն կ'սկսին Աստուծոյ օգնութիւն խնդրել :

Այսպէս ընելը ուղիղ է : Աղէկ է ամէն ժամանակ Աստուծոյ օգնութիւն խնդրել, և ամէն օր աղօթք ընել Անոր, և օրհնել զԱնիկա. բայց եթէ ասիկա միայն նեղութեան ատեն ընենք, և ուրիշ ժամանակ Անոր դէմ մեղանչենք, չենք կրնար յուսալ թէ Ան մեր աղօթքը պիտի լսէ :

Դարձեալ կ'ուզեմ որ գիտնաք թէ Աստուած այնչափ քաղցր և ողորմած է, որ շատ ատեն չար մարդոց անգամ կ'օգնէ, երբ Անկէ օգնութիւն կը խնդրեն :

Աստուծոյ այս բարերարութիւնը երբեմն զմարդիկ իրենց մեղանչական գործերէն զղջալու կ'առաջնորդէ, ու նաեւ ներում խնդրելու Աստուծոյ Որդւոյն Յիսուսի միջնորդութեամբն, որ մեղաւորները փրկելու եկաւ :

Պիտի յիշէ՞ք միշտ այս ճշմարտութիւնը թէ Աստուծոյ քաղցրութեան նպատակն է մեղաւորներն ապաշխարութեան բերել »:



## ԳԼՈՒԽ ԼԲ

ԵՊԵՇԼԵՐՈՒԹԻՒՆՆԵՆ Ի՞ՆՉ Է՛

«Կարծեմ դուք աղէկ չէք դիտեր թէ ապաշխարութիւն բառն ինչ ըսել է : Պզտիկ սղոց համար դժուար է այս բառը հասկնալ : Ուստի ձեզի բացատրեմ անոր միտքը :

Կը յիշես Մարիամ թէ անցած շաբթու օր մը պզտիկ աղջիկ մը շատ չարութիւն ըրաւ, բարկանալով թէ Աննա . . . » :

Մարիամ չսպասեց որ հայրը մնացածն ըսէր, քանզի աղէկ դիտէր որուն վրայով կը խօսէր : «Ես էի ան», ըսաւ, «բայց մէյ մ'ալ պիտի չընեմ» :

— «Այո, դուն էիր, Մարիամ, և թէեւ հայրդ ու մայրդ տրտմեցան քու ըրած չարութեանդ համար, բայց ուրախացան ալ երբ դուն եկար, իմ ըրածիս համար կը ցաւիմ, և ասկէ ետքը պիտի ջանամ աւելի լաւ աղջիկ մ'ըլլալ՝ ըսելով : Մենք այս խօսքն անկեղծութեամբ ըսելուդ տարակոյս չունէինք, ուստի ըսինք թէ արդարեւ ապաշխարած ես :

Նոյնպէս երբ մարդիկ իրենց ըրած չարութիւններուն և երկնաւոր Հօրը դէմ մեղանչելու նուն համար կը տրտմին, կ'ըսենք թէ անոնք կ'ապաշխարեն. անոնց տրտմութիւնն ապաշ-

խարութիւն կը կոչուի : Հիմա կը հասկընան թէ ապաշխարութիւն ի՞նչ ըսել է» :

«Այո, հայր», ըսաւ Մարիամ :

— «Ուստի երկու բան ալ կայ, զոր դուն և Յակոբ մտքերնիդ պահելու էք : Պիտի ջանա՞ք այնպէս ընել : Առաջինն սա է թէ Աստուած խօսք տուած է ամէն ճշմարտապէս ապաշխարողին ներել : Երկրորդն ալ սա է թէ ամէն ճշմարտապէս ապաշխարհողը շատ զգոյշ պիտի ըլլայ որ նորէն չարութիւն չընէ :

Հէրիք չէ որ դուն կը զղձամ ըսես,

Ու չարութիւններդ ալ շարունակես :

Ապաշխարութեան յայտնի նշանը,

Նորէն չընելն է սիրած մեղքերը,

Ու ապաշխարելդ անկեղծութիւնով

Յայտնի ցուցնել մէյմ'ալ չընելով :»

## ԳԼՈՒԽ ԼԳ

ՅԻՍՈՒՍ ՔՐԻՍՏՈՍ

ԵՄԷՆ ԲԵՆԻ ՏԷՐՆ Է՛

Մարիամու ու Յակոբայ հայրն անոնց ըսաւ, «Քանի մը ըսուէ ծառերուն տակ նստինք, և մինչ ծովը կը նայիք՝ փոթորկի մը պատմութիւնն ընեմ ձեզի : Ժամանակաւ նաւ մը կար ծովուն վրայ» :

«Այս ծովուն վրայ, հայր», հարցուց Յակոբ :  
 – «Ոչ, այս ծովուն վրայ չէր, ասկէ շատ հե-  
 ուու էր, աշխարհիս միւս կողմը : Այն նաւը ցա-  
 մաքէն երաժ ժամանակը ծովը շատ հանդարտ  
 էր : Նաւը տակաւին ծովեզերքէն չհեռացած...» :

«Չկնորս կարճ մէջը», հարցուց Մարիամ :  
 – «Չկնորս կար, ուրիշ մարդիկ ալ կային .  
 բայց անոնք այս անգամ ձուկ բռնելու երաժ  
 չէին, հապա ծովուն միւս կողմն անցնելու միտք  
 ունէին : Նաւը ցամաքէն հեռանալէն քիչ մը  
 ետքը մեծ փոթորիկ ելաւ : Հովը սաստիկ էր,  
 և ալիքներն այնչափ բարձրացան որ նաւը կը  
 ծածկէին : Նաւուն մարդիկը կը տեսնէին վտան-  
 դը, և սկսան շատ վախնալ :

Բայց նաւուն մէջ մէկը կար որ այն սաստիկ  
 փոթորիկէն չէր վախնար, և առանց խռովելու  
 նաւուն մէկ կողմը հանդարտ կը քնանար :

Ետքը միւս մարդիկ անոր քովը դալով ար-  
 թընցուցին զանի : Կը խորհէին որ, եթէ զիրենք  
 ազատելու կարող մէկը կայ, ան պիտի ըլլայ,  
 ուստի ըսին անոր, «Ազատէ մեզ ինչու որ ահա  
 կը կորսուինք» : Անատեն ան ալ ելաւ և ծովուն  
 նայելով ըսաւ, «Գաղթէ և լուռ կեցիր» : Երբ  
 ան այս խօսքն ըսաւ, հովը դադարեցաւ, ալիք-  
 ները հանդարտեցան և մեծ խաղաղութիւն ե-  
 ղաւ : Գիտէ՞ք, ո՞վ էր ասիկա որուն հովն ու ա-  
 լիքները հնազանդեցան» :

«Ո՞վ էր ան, հայր» հարցուց Յակոբ :

– «Տէր Յիսուս ֆրիստոսն էր, և այն մարդիկ  
 անոր աշակերտներն էին :



Յիսուս վտանգի մէջ եղող մարդոց աղաչանք-  
 ներուն այսպէս մօտիկ ըրաւ և զանոնք աղա-  
 տեց : Որչափ զօրաւոր էր անոր խօսքը, որ փո-  
 թորիկն անգամ անոր հնազանդեցաւ :

Այս դէպքէն սա մեծ ու փառաւոր ճշմար-  
 տութիւնը կըսորուինք որ, Յիսուս ֆրիստոս  
 ամէն բանի Տէրն է» :

## ԳԼՈՒԽ ԼԴ

ՍՈՒՍՆԵՍԻՐ ՏՂԵՅԻՐ

Մարիամու և Յակոբայ հօրը տանը մօտ տուն

մը կար, ուր երկու տղայք և երկու անձիկ իրենց հօրն ու մօրը հետ կը բնակէին: Ասոնք երջանիկ ընտանիք մը չէին, քանզի տղայք շատ անգամ կուիւ կ'ընէին, իրարու գէշ անուաներ կուտային և զիրար կը ծեծէին:



Իրբեմն Մարիամ ու Յակոբ, երբ իրենց պարտէզը կը խաղային, այն տղայոց բարձրաձայն աղաղակը կը լսուէին. երբեմն ալ փողոցը կը տեսնէին զանոնք որ գիւրար կը ծեծէին և իրարու

վրայ հող կը նետէին: Մարիամ և եղբայրը շատ կը տրտմէին, երբ այս բաները կը տեսնէին կամ լսէին:

Անոնք կը խորհէին՝ և օր մը իրենց հօրն ալ ըսին, «Եթէ մեր սիրելի եղբայրը պզտիկ Յովհաննէս ողջ ըլլար, մենք անոր այսպիսի բան մը պիտի չընէինք, ոչ ալ անոր հետ խտուածեամբ պիտի վարուէինք»:

Անգամ մը երբ այս կուռասէր տղայք մէկ տեղ կը խաղային, աղջկանց մէկը ձեռքով իր մեծ եղբօրը զարկաւ ու փախաւ: Անատեն տղան գետնէն մեծ քար մ'առնելով, քրոջը ետեւէն վազեց: Այնչափ բարկացած էր որ վազած ատենը «Քեզ պիտի մեռցընեմ», կը պոռար: Աղջիկը շատ վախցաւ, քանզի գիտէր թէ եղբայրն իրմէ զօրաւոր էր, և բարկութեան ատենը ինչ վնաս որ տար՝ հոգ չէր ըներ: Ուստի ըստ կարի արագ փախաւ, բայց եղբայրն աւելի շուտ վազելով անշուշտ պիտի բռնէր քոյրը եթէ աղջիկը մտած չըլլար այն պարտէզը, ուր Մարիամ և անոր հայրը կը գտնուէին: Աղջիկն անոնց քով վազելով ըսաւ, «Կ'աղաչեմ, մի թողուք որ իմ չար եղբայրս ինծի մօտենայ, զիս պիտի մեռցընէ»:

Տղան քրոջը ետեւէն վազելով պարտէզը մտաւ առանց Մարիամու հայրը տեսնելու:

Բայց երբ զանոնք տեսաւ՝ կանկ առաւ, ու ետ պիտի դառնար: Բայց Մարիամու հայրը զանի կանչելով «Գէորգ այդ քարը վար գիւր և հոս եկուր», ըսաւ:

Գէորգ իրեն հրամայուածին պէս ըրաւ, քան

զի կը վախնար փախչել, բայց կամաց կամաց կը քալէր: Վերջապէս անոնց քովը եկաւ, և Մարիամն հայրը տղուն և քրոջը մէյմէկ ձեռքէն բռնելով շուք տեղ մը դնաց՝ հոն անոնց հետ խօսելու: Մարիամ ու Յակոբ ալ հոն դացին մտիկ ընելու թէ իրենց հայրն ինչ պիտի ըսէր անոնց:



## ԳԼՈՒԽ ԼԵ

### ԿՈՌԻՒԼԸ ՈՒ ԾԵԾԿՈՒԻԼԸ

ՇԵՏ ԳՅԵՆ ԲԵՆԵՐ ԵՆ

Մարիամն ու Յակոբայ հայրը շատ մարդա սիրութիւն ցուցուցած էր այն անգգամ տղոցը:

Երբեմն պզտիկ գիրքեր կու տար անոնց կարգալու, երբեմն իր գործին կը խրկէր զանոնք, երբեմն ալ իր պարտեզը անպիտան խոտերէն մաքրել տարով այս գործին համար ստակ կը վճարէր անոնց, և երբ անոնց կը հանդիպէր, շատ մարդասիրութեամբ կը խօսէր անոնց հետ: Այս է պատճառը որ անոնք հիմա ալ անոր հետ առ երթալ հաճեցան:

Հայրը հովանւոյն տակ նստաւ, և պզտիկ աղջիկը քովը նստեցուց, մինչ եղբայրն միւս կողմը կայնեցաւ:

«Ձեռքդ բռնած քարով ի՞նչ պիտի ընէիր», հարցուց տղուն:

«Լուսիան ինձի զարկաւ, և միշտ կը զարնէ ինձի», ըսաւ տղան:

— «Բայց դուն ի՞նչ պիտի ընէիր այդ քարով»:


«Ըսաւ թէ քեզ պիտի մեռցընեմ». պատասխանեց Լուսիա:

— «Հասկըցայ, դարձեալ կաիւ ըրած էք»:

Անտան Գէորգ և Լուսիա սկսան յանցանքն իրարու վրայ ձգել: Մարիամն հայրն անոնց ըսածին մտիկ ընելէն ետքը սկսաւ անոնց հետ խօսիլ:

«Եղբայրներու ու քոյրերու իրարու հետ ծեծկուիլն ո՞րչափ ցաւալի է», ըսաւ:

Անոնց յիշեցուց կայէնը, որ այնչափ չար էր



որ նոյն իսկ իր եղբայրն Աբէլ մեռցուց:  
Անոնց պատմութիւն մ'ալ ըրաւ իր ծանօթ



փոքր տղու մը վրայով, որ բարկութեամբ իր պզտիկ եղբայրը զարնելով զանիկա սպաննած էր:

Անատեն Գէորդայ դառնալով ըսաւ « Դիցուք թէ քու այնչափ բարկացած ատենդ քոյրդ բռնէիր, ի՞նչ կ'ըսես, այն քարով պիտի զարնէի՞ր անոր »:

Գէորդ պատասխան չտուաւ:

« Կարծեմ թէ այնպէս պիտի ընէիր », շարունակեց Մարիամու հայրը, « և եթէ այն ծանր քարով անդամ մը անոր զարնէիր, կրնար ըլլալ որ զանի մեռցընէիր: Եւ անիկա փոխանակ հիմա հոս ողջ կենալու, ճամբուն վրայ արիւնաթաթախ պառկած, խօսելու և շարժելու անկարող պիտի ըլլար: Կ'ուզէի՞ր քոյրդ անանկ տեսնել, Գէորդ »:

Այս միջոցիս տղուն աչքերը լեցուեցան: Այն պիտի բանի մը վրայ չէր ուզէր խորհիլ, և ըսաւ « Ետ և կը զղձամ »:

Յետոյ հայրը Լուսիային դառնալով այսպէս խօսեցաւ, « Ո՛րչափ մեղք է որ և իցէ բան մ'ընել ուրիշը բարկացընելու համար: Կը ցաւիմ որ համարձակեցար ձեռքդ վերցընել եղբօրդ զարնելու, թէ և միտք չունէիր անոր շատ փնասել »: Աղջիկն ալ ըսաւ, « Կը զղձամ ըրածիս վրայ », և սկսաւ լալ:

Յետոյ Մարիամու հայրն ըսաւ անոնց, « Դուք պարտական էք ձեր յանցանքներն Աստուծոյ խոստովանիլ, և անկէ թողութիւն նաեւ օգնու-

թիւն խնդրել՝ որ նորէն այսպիսի չար բան մը չընէք »:

Գարձեալ ըսաւ, « Եթէ իրարու հետ խաղաղութեամբ վարուիք, շատ երջանիկ պիտի ըլլաք: Ան մեծ Աստուածն որ ամէն բան կը տեսնէ և կը դիտէ, կը սիրէ այն տղայքն որ իրարու հետ սիրով կը վարուին. բայց ամէն օր կռուասէրներուն կը բարկանայ և կ'ըսէ թէ փմեղած տեղս անոնք պիտի չդան »:

Հիմա նայինք թէ Սուրբ Գիրքն, որ Աստուծոյ խօսքն է, ի՞նչ կ'ըսէ ձեզի: Աս է իմ պատուէրս որ մէկզմէկ սիրէք: Ան որ իր եղբայրը չսիրեր, մահուան մէջ կը մնայ: Ամէն ով որ իր եղբայրը կ'ատէ՝ մարդասպան է: Որդեակներս, չէ թէ խօսքով ու լեզուով սիրենք, հապադործքով ու ճշմարտութիւնով »:

Անատեն Գէորդ ու Լուսիա պարտեզէն ելլելով՝ երկուքը մէկտեղ խաղաղութեամբ տուն դարձան:

## ԳԼՈՒԽ ԼԶ

ՄԵՂՈՒՆ ԻՆՉ Է

Օր մը երբ Մարիամ ու Յակոբ իրենց հօրը հետ կանանչ դաշտերուն մէջ հովանաւոր բՐԼՐակին վրայ նստած էին՝ հայրն անոնց հարցուց, « Գիտէ՞ք մեզքն ինչ է »:

Մարիամ կը կարծէր թէ դիտէ և ըսաւ, «Այո, ինչ որ չար է՝ մեղք է»:

«Բայց ի՞նչպէս դիտես թէ ո՞ր բան չար է և ո՞ր բան բարի», հարցուց դարձեալ հայրը:

«Բարկանալ, քեզի ու մօրս չհնազանդել, և գէշ խօսք ըսել չար է», պատասխանեց Մարիամ:

«Այո», ըսաւ հայրը: «Բայց, սիրելի աղջիկս, այդ իմ հարցմանս պատասխան չէ: Ի՞նչպէս դիտես թէ այդպիսի բաները չար են»:

– «Դուն այնպէս ըսած ես ինձի, հայր»:

– «Ուրիշ մը քեզի այնպիսի բան մը երբէք ըսած չէ»:

– «Այո, մայրս և Աննան ալ ըսած են»:

«Ասոնց մէջ գատ արդեօք ուրիշ մ'ալ ըսած չէ», հարցուց հայրը:

«Չգիտեմ», պատասխանեց Մարիամ:

– «Ուրեմն ինձի մտիկ ըրէ, և ես քեզի ըսեմ թէ ուրիշ ով անիկա ըսած է, և ով է որ կը սորվեցընէ մեզի թէ ի՞նչ է մեղքը»:

Նախ ըսեմ քեզի, Աստուծոյ արգիլած բաներն ընել կամ Անոր հրամայած բաները չընել մեղք է:

Աստուած մեզի ըսած է թէ պարտական ենք զինք սիրել մեր բոլոր սրտով և զօրութեամբ, և եթէ զինքը չսիրենք ըստ արժանւոյն, կը մեղանշենք: Աստուած մեզի հրամայած է նաեւ որ մեր ծնողքը սիրենք, անոնց հնազանդինք, ուստի և այս բաները չընել մեղք է:

Աստուած մեզի պատուիրած է դարձեալ և մենուն մարդասէր ըլլալ, եթէ այս բանիս հակառակ ընենք, մեղք կը գործենք:

Շատ բան կայ որ Աստուած մեզի արգիլած է. գողութիւն ընելու չենք, Աստուծոյ անունը պարապ տեղ բերան առնելու չենք, ուրիշի բաներուն ցանկալու չենք, և զգոյշ ըլլալու ենք որ մեր մտքերուն մէջ պարապ և յիմար խորհուրդներ չունենանք. եթէ այս բաներէն մէկն ընենք, Աստուծոյ դէմ մեղանշած կ'ըլլանք:

Աստուած է որ մեզի կը սորվեցընէ թէ մեղքն ի՞նչ է: Իր սուրբ Գիրքը տուած է այս բաները մեզի սորվեցընելու համար: Աստուածաշունչն է որ մեզ իմաստուն կ'ընէ, և մեղքին ինչ չար բան ըլլալը կը դիտցընէ: Առանց անոր շատ տգէտ պիտի մնայինք: Չէ՞ք յիշեր թէ անգամ մը Աստուածաշունչ չունեցող խեղճ և չար մարդոց վրայով պատմած եմ ձեզի»:

– «Այո, հայր, կռոց երկրպագողներուն համար ըսել կ'ուզես»:

– «Մեր վիճակն անոնց վիճակէն աղէկ պիտի չըլլար եթէ Աստուածաշունչն իբր առաջնորդ մեր ձեռքը չունենայինք: Որչափ ուրախանալու ենք որ Աստուածաշունչն ունինք, այն մեզի կ'իմացընէ թէ մեղքն ի՞նչ է»: Վերջապէս, «Դուք Աստուծոյ դէմ բնաւ չէ՞ք մեղանշեր», հարցուց անոնց հայրը:

“Կը վախնանք թէ երբեմն կը մեղանչենք”,  
ըսին Մարիամ ու Յակոբ :

– “Եթէ Անոր դէմ մեղանչէք, ի՞նչ պիտի  
ընէ Սն” :

Տղայք այս հարցման չկրցան պատասխանել,  
ուստի փոխանակ անոնց, հայրը պատասխան  
տուաւ ըսելով, “Աստուած կամ մեզ պիտի  
պատժէ, և կամ մեզի պիտի ներէ : Եթէ մեզ  
պատժէ, այնպէս պիտի ընէ մեր մեղացը պատ-  
ժոյ արժանի ըլլալուն և մեր չապաշխարելուն  
կամ թողութիւն չինդրելուն համար : Եւ եթէ  
մեզի ներէ, Տէր Յիսուս ֆրիստոսի համար պի-  
տի ներէ” :

## ԳԼՈՒԽ ԼԷ

### ԱՍՏՈՒԾՈՅ

ԲԵՐԵՎԵՐՍԻ ԸՂԼԵՂՈՒ ՆՇՄԻՆՍԻ

“Ձեզի հասակակից աղջկան մը վրայով պատ-  
մուծիւն մ’ընեմ : Այս աղջիկը երբեմն չարու-  
ծիւններ կ’ընէր, և կը զգար թէ Աստուծոյ սուրբ  
օրէնքին դէմ կը մեղանչէր, ուստի շատ տխուր  
էր :

Բայց օր մը զուարթ և երջանիկ տեսնուեցաւ :  
Անոր աչքերն ուրախութեամբ կը փայլէին, և

կ’երեւար թէ անոր զգացած ուրախութիւնն  
այնչափ մեծ էր, որ չէր կրնար զայն տանել :

Մարդ մը անոր հարցուց, ‘Դուն որ առաջ  
այնչափ տխուր էիր, ի՞նչպէս եղաւ որ հիմա  
այսպէս ուրախ և զուարթ ես’ :

‘Քանզի շատ երջանիկ եմ’, պատասխանեց  
աղջիկը :

‘Բայց ինչո՞ւ համար շատ երջանիկ ես’, նո-  
րէն հարցուց միւսը, և անկէ սա պատասխանն  
առաւ :

‘Տրտում էի, քանզի զԱստուած բարկացու-  
ցած էի, բայց հիմա յոյս ունիմ թէ Աստուած  
ինձի ներած է’ : Տղու մը սիրտն ուրախացընե-  
լու բաժական չէ՞ այս զգացումը թէ Աստուած  
անոր բարեկամ եղած է’ :

“Այո, բաւական է”, ըսաւ Մարիամ :

“Ուստի, սիրելի տղաք, դուք ալ կ’ուզէք  
Աստուծոյ բարեկամ ըլլալ : Եթէ կ’ուզէք, մի  
միայն ճամբան սա է, ֆրիստոսի պատուէրնե-  
րուն հնազանդելու է, քանզի ֆրիստոս ինք  
կ’ըսէ ‘Ան որ իմ պատուէրներս կը բռնէ եւ  
կը պահէ անոնք, անիկա է զիս սիրողը . և ան  
որ զիս կը սիրէ, իմ Հօրմէս պիտի սիրուի’” :

## ԳԼՈՒԽ ԼԸ

## ԱՅՍ ԱՇԽԱՐՀՍ ՄԵՐ

ԲՆԵՊԵՐՆԵՐ ԶԼ:

«Ո՛հ, հայր, ե՞րբ տուն պիտի հասնինք», ըսաւ Յակոբ, երբ օր մը հօրը հետ պառտիւ ելած էր:

Պզտիկ տղու մը համար երկայն ճամբայ էր անոնց այն օր դայցած միջոցը. և տղան, թէեւ ճամբուն մէկ մասը հօրը դիրկն էր, տակաւին յոգնած ըլլալով կ'ուզէր շուտով տուն հասնիլ:

«Ո՛հ, ե՞րբ տուն պիտի հասնինք», կ'ըսէր շատ անգամ:

«Հիմա կը հասնինք», ըսաւ հայրը:

«Տանը ծինեցոյդն և անոր քով եղած ծառին գլուխը կը տեսնեմ. դուն ալ նայէ», ըսելով վեր վերցուց պզտիկ տղան, որ զանոնք տեսնէ:

Յակոբ հօրը դիրկն օր ելաւ՝ ալ չուզելով նօրէն վար իջնել, ըսաւ, «Ասանկ քիչ մը կը տանի՞ս զիս, հայր»:

«Այո մնացած ճամբան կը տանիմ», եթէ թեւդ ճիտիս վրայ կը դնես»:

«Հիմա միտքս բան մը ձգեցիր», ըսաւ հայրը. «Հա ըսեմ քեզի. ուրիշ տուն մը կայ ուր մենք երկուքս ալ պիտի երթանք: Կը հասկընա՞ս ի՞նչ ըսել կ'ուզեմ այս խօսքով»:

«Ո՛չ, հայր», ըսաւ Յակոբ, «մենք ուրիշ տուն չունինք, այնպէս չէ»:

«Այո, ունինք», ըսաւ հայրը: «Այն տունը ուր հիմա կ'երթանք, մեր մնայուն բնակարանը չէ»:

«Բայց, հայր», պատասխանեց տղան, «մենք հոն կը բնակինք միշտ, այնպէս չէ»:

«Այո, Յակոբ, բայց միշտ այն տանը մէջ պիտի չբնակինք»:

«Չեմ ուզեր այն տունը թողուլ», ըսաւ Յակոբ տխուր դէմքով, «չատ գուարճալի է»:

«Բայց միշտ այս աշխարհիս մէջ պիտի չմընանք», ըսաւ հայրը: «Եւ մեր բնակարանը ո՛րք պիտի ըլլայ՝ երբ ասկէ մեկնինք: Այս աշխարհս մեր մշտատեւ բնակարանը չէ: Սա մեծ ճշմարտութիւնը մի մոռնար թէ մեր մշտատեւ բնակարանը հանդերձեալ աշխարհին մէջ պիտի ըլլայ, ուր մեր հողիները պիտի երթան երբ մեր մարմինը կը մեռնի, և հոն յաւիտեանս պիտի մնանք»:

Այս աշխարհիս բոլոր բնակողներուն համար երկու բնակարան կայ հանդերձեալ աշխարհին մէջ, մէկը շատ երջանիկ տեղ է, և երկինք կ'ըսուի. իսկ միւսը շատ թշուառ տեղ է, որուն դժոխք կ'ըսենք:

Տէր Յիսուս ֆրիստոսը սիրողներուն բնակարանն երկինքը պիտի ըլլայ, ուր ֆրիստոս և բոլոր արդարները կը կենան: Բոլոր անոնք ու

րոնց մեղքերը ներուած չեն՝ մեռնելէն ետքը իրենց բնակարանը դժոխքին մէջ պիտի գրաւենն, ուր միայն մեղք և տրտմութիւն կայ: Ասոնցմէ դուն ո՞րը պիտի ընտրես”:

“Անտարակոյս կ’ուզեմ որ իմ բնակարանս երկինքն ըլլայ”, ըսաւ Յակոբ:

“Ես ալ կը հաւատամ որ այնպէս կ’ուզես”, պատասխանեց հայրը: “Ուրեմն Աստուծոյ խնդրելու ենք որ մեզ պատրաստէ այն երկնային բնակարանն երթալու:

Անատեն այս աշխարհս մեր մշտատեւ բնակարանը չըլլալուն համար պիտի չտրտմինք, միանգամայն չնորհակալ պիտի ըլլանք որ աշխարհիս մէջ այնչափ զուարճալի տեղ մը ունինք և մանաւանդ որ քրիստոնէայ ընսանիքի մէջ ենք”:

Այս խօսքին վրայ տունը մօտենալով՝ վերջացուցին խօսակցութիւնը:

## ԳԼՈՒԽ ԼԹ

### ԱՍՏՈՒԾՈՅ ՄԱՐԴԻԿ

ՈՒ ԵՇԼԵՐ ՀԻ ՄԵՐԴԻԿ

“Ո՛րքան տեսակ մարդիկ կան աշխարհիս մէջ, հայր”, ըսաւ Մարիամ զարմացմամբ, երբ հօրը սենեակը դիրք մ’առած, մէջը Հնդիկ,

ներուն, Սփրիկեցիներուն, Տաճիկներուն, Հրէից և շատ ուրիշ ազգաց պատկերներուն կը նայէր: Մարիամ այս պատկերներուն շատ հաւնեցաւ, և նորէն ըսաւ, “Ո՛րքան տեսակ տեսակ մարդիկ կան աշխարհիս մէջ, այնպէս չե՞՞ հայր”:

“Միայն երկու տեսակ կան”, պատասխանեց հայրը:

– “Ո՛հ, հայր, այս գրքին մէջ շատ կան, երկուքէն աւելի, աղէկ դիտեմ”:

– “Գու միտքդ խմնիս համաձայն չէ: Աշխարհիս մէջ եղող մարդոց, հեռու երկիր բնակողներուն, իրարու անհասկանալի լեզու խօսողներուն, զանազան հանդերձ հազնողներուն քանի տեսակ ըլլալը չեմ կրնար ըսել: Բայց իմ ըսածս սա էր թէ աշխարհիս մէջ միայն երկու տեսակ մարդիկ կան, ասոր վրայ կ’ուզեմ խօսիլ ձեզի”:

Տեսակ մը մարդիկ կան որ զԱստուած չեն սիրեր, և անոր չեն ծառայեր, որոնց չար սրբտերը սրբուած չեն: Այս մարդիկ Աշխարհի որդիք կ’ըսուին, քանզի աշխարհը և անոր մէջի բաներն աւելի կը սիրեն քան թէ զԱստուած:

Անոնք Չարին որդիքն ալ կ’ըսուին, քանզի Աստուծոյ թշնամին Սատանան անոնց տէրն է, ու անոնց կ’առաջնորդէ մեղք դործելու: Անոնք խեղճ մարդիկ են, քանզի թէեւ աշխարհը շատ կը սիրեն, լաւ դիտեն թէ աշխարհի մէջ միշտ

պիտի չման, և թէպէտ մեղքն ալ կը սիրեն, աղէկ համոզուած են թէ մեղաց պատիժը պիտի կրեն :

Աստուած անոնց վրայ կը բարկանայ ամէն օր : Միւս տեսակ մարդիկ անոնք են, որ զԱստուած կը սիրեն և աւոր կը ծառայեն : Անոնց սրտերը փոխուած են, անոնք հիմա կը սիրեն այն բաները որ առաջ կ'ատէին, և այն չար բաները որ առաջ կը սիրէին՝ հիմա կ'ատեն : Այս տեսակ մարդիկ Աստուծոյ որդիքը կ'ըսուին : Աստուած զանոնք կը սիրէ, կը պաշտպանէ և կ'օրհնէ, քանի որ աշխարհիս մէջ են, Աստուած անոնց վրայ հոգ կը տանի, և երբ կը մեռնին, զանոնք երկինքը կ'ընդունի յաւիտեան երջանիկ ըլլալու :

Աշխարհիս մէջ այս երկու տեսակ մարդոցմէ զատ ուրիշ չկայ : Անոնք որ Աստուծոյ Որդիքը չեն՝ Սատանայի ու աշխարհի որդիներն են : Այս երկու ընտանիքներէն որուն մէջ դուք կ'ուզէք դառնալ, սիրելի զաւակներս :

«Ես Աստուծոյ զաւակ ըլլալ կ'ուզեմ», ըսաւ Մարիամ :

«Ես ալ նոյնպէս կ'ուզեմ», ըսաւ Յակոբ :

Մարիամն ու Յակոբայ հայրը յոյս ունէր թէ անոնք իրաւցնէ Աստուծոյ զաւակներ պիտի ըլլային :

Ինք աղօթք ըրած էր որ իր սիրելի զաւակներն Աստուծոյ ընտանիքին մէջ ընդունուին,

սուրբ և օգտակար ըլլան քանի որ այս աշխարհիս մէջ կ'ապրին, մեռնելէն ետքն ալ երկինքը երջանիկ ըլլան :

## ԳԼՈՒԽ Խ

ՆՇԱՄԵՐՏՈՒԹՒՒՆ

Առտու մը երբ Մարիամ տղոց սենեակն էր, լսեց որ հայրը զանի կը կանչէր, բայց շուտով չելաւ անոր երթալու : Ուստի Աննա ըսաւ անոր, «Մարիամ, չե՞ս լսեր որ հայրդ քեզ կը կանչէ» : Սակայն Մարիամ դործքը չձգեց և սենեակէն դուրս չելաւ :

Անոր այնչափ սպասելու պատճառն իր խաղաղիկները ձգել չուզէն էր արդեօք, տեսնենք :

«Մարիամ, Մարիամ», նորէն կանչեց հայրն աւելի բարձր ձայնով : Այս անգամ աղջիկը պատասխան տալով՝ ելաւ հօրը քով դնաց :

Հայրն անոր ձեռքէն բռնելով զանի իր սենեակը տարաւ, և քաղցրութեամբ ըսաւ անոր, «Իմ դուրս ելած ատենս դուն հոս եկա՞ր այս առտու» :

Առջի բերան աղջիկը պատասխան չտուաւ, մէյնը հօրը նայեցաւ, մէյ մ'ալ սենեակին բոլորտիքը, և վերջապէս աչքերը գետին տնկեց :

Եթէ կարող ըլլար այն բոպէին հայելոյ մէջ իր դէմքը տեսնել, շատ կարմրած պիտի գտնէր զանիկա, աչքերն ալ արտասուօք լեցուն ։

Մարիամու հայրը քիչ մը համբերեց, քանզի չէր ուզեր իր պզտիկ աղջկան սիրտը կոտրել ։ Աղջիկն ալ գիտէր թէ հայրը պատասխանի կը սպասէր ։ Վերջապէս Մարիամ որոշեց թէ ինչ պիտի ընէր, ուստի հօրը վիզը ինկաւ և հառաչելով ըսաւ, « Այո, հայր, հոս եկայ, և այն բանը կոտորո՞ն ես եմ, բայց միտքս զանի կոտրել չէր, հայր » ։ Մարիամու ըսածը ճշմարիտ էր . անիկա հոն գացած էր, մօրը և Աննային հոն չեղած ատեն ։ Ինք կ'ուզէր հօրը հետ խօսիլ, բայց զանի հոն չգտնելով՝ փոխանակ շիտակ ետ դառնալու, առաջ ասդին անդին նայած, ու ետքը սենեակին մէջ եղող բաները խառնելու սկսած էր ։

Բաւական բարձր դարան (բժ) մը կար, որուն վրայ երկու գեղեցիկ յախճապակեայ արձաններ կային, և երբեմն հայրը թոյլ տուած էր սղոցը զանոնք իրենց ձեռքն առնել ։ Հիմա ալ Մարիամ խորհելով թէ որչափ զուարճութիւն պիտի ըլլար իրեն նորէն զանոնք իր ձեռքն առնել ու նայել, աթոռի մը վրայ ելաւ, և ձեռքն երկնցընելով անոնցմէ մէկն առաւ ։ Բայց, ափսոս, արձանն անոր ձեռքէն սահեցաւ և գետին իյնալով կոտրտեցաւ ։

Յայտնի է թէ ո՞րչափ վախցաւ Մարիամ .

ուստի ցատկելով սենեակէն դուրս ելաւ, դուռը գոցեց, յուսարով թէ ոչ ոք պիտի իմանար իր հոն երթալը ։ Այս պատճառաւ էր որ հօրը կանչած ժամանակ անոր քով երթալ չուզեց, վախնալով որ թերեւս հայրը իմացած էր անոր ըրած յանցանքը ։ Արդարեւ Աստուծմէ զատ ոչ ոք գիտէր թէ Մարիամ հօրը սենեակը գացած էր ։ Հայրը կարծիքով հասկըցած էր բանին ինչպէս ըլլալը, և ասոր համար պզտիկ աղջիկը կանչեց ու այն հարցումներն ըրաւ անոր ։

Յայտնի է նաեւ թէ որչափ դողի մէջ էր հօրը սիրտը, երբ Մարիամու դէմքէն տեսաւ անոր սրտին խռովեալ վիճակն ու շփոթութիւնը, և կը խորհէր թէ արդեօք Մարիամ սուտ մը պիտի ըսէր՝ թէ ճշմարտութիւնը պիտի յայտնէր ։ Բայց ո՞րչափ ուրախ եղաւ հայրը, երբ ճշմարտութիւնն յաղթող երեւցաւ Մարիամու սրտին և բերնին մէջ ։

Սիրելի զաւկին ըսածը թէ « Անիկա կոտորո՞ն ես եմ », հօրը քով աւելի արժէք ունէր քան թէ բոլոր աշխարհիս մէջ եղող արձանները ։ Հայրն իր պզտիկ աղջիկը պագաւ, և ասով յայտնեց անոր այն բանին վրայ ունեցած չափազանց ուրախութիւնը, և ըսաւ, « Այս կոտրած արձանը պիտի պահեմ իբր քու ճշմարտասիրութեանդ յիշատակ մը, և երբ տեսնեմ զայն, պիտի յուսամ թէ Մարիամն բնաւ պի »

տի չվախնայ ճշմարտութիւնը խօսելու, հապա շիտակը պիտի ըսէ, թէ եւ գործած յանցանքը հոստովանել հարկ ըլլայ :

Ուրիշ բան մ'ալ ըսեմ," շարունակեց հայրը. "այս դէպքէն պիտի սորվիս այսուհետեւ արդիւրեւած բաները չխառնել : Շատ ցաւալի պիտի ըլլար եթէ արձանը խառնելու սուտ խօսելու պատճառ ըլլար քեզի, ինչպէս որ շատ անգամ տղոց կը պատահի" :



## ԳԼՈՒԽ ԽԱ

### Ա Մ Տ ՈՒ Ա Ծ

ՆՇԱՄԵՐՏՈՒԹԵՆ ԵՍՏՈՒՄԻ :

Այն օրը որ Մարիամ արձանը կոտորեց՝ հայրն աղջիկն ու Յակոբ իրիկուան դէմ հետ առնելով պտրտելու ելաւ, և երեքը մէկտեղ ծառի մը տակ նստան : Անատեն բարետիրտ հայրը սկսաւ ըսել, « Մեծ Աստուծոյն՝ մեր Արարչին վրայով շատ բաներ ըսած եմ ձեզի . հիմա դարձեալ անոր վրայ պիտի խօսիմ : Անիկա ճշմարտութեան Աստուած է . Անոր ըսածը բոլորովին ճշմարիտ է . Անոր Սուրբ Գիրքը ճշմարտութեան գիրք է . Սուրբ Գիրքին մէջ զԱստուած սիրողներուն և Անկէ վախցողնե-

րուն համար մեծամեծ խոստմունքներ կան, ամէնքն ալ ճշմարիտ են և Աստուած ամէն մէկը պիտի կատարէ :

Երբ Աստուծոյ խոստմունքները կը կարդանք, կամ կը լսենք, խորհելու ենք թէ արդեօք մեզի համար են անոնք թէ ոչ : Եթէ մեզի համար են, ուրախանալու ենք որ ամէնքն ալ պիտի կատարուին :

Երբ Աստուծոյ սպառնալիքը կը կարդանք կամ կը լսենք, վախնալու ենք որ չըլլայ թէ մեզի դէմ եղած ըլլան անոնք, և աղօթելու ենք Աստուծոյ որ մեր մեղքերը ներէ իր սիրելի Որդւոյն համար, և այսպէս այն սպառնալիքը կրելէն ազատէ մեզ :

Աստուծոյ Ժողովուրդները ճշմարտութիւնը կը սիրեն, և չեն համարձակիր սուտ խօսիլ :

Աստուած շատ կը բարկանայ ստախօսներուն, սուտ չրթունքները կ'ատէ, և ստախօսները պիտի պատժէ : Շատ անգամ այս աշխարհիս մէջ կը պատժէ զանոնք, և անշուշտ հանդերձեալին մէջ ալ նոյնպէս պիտի ընէ . քանզի ինքըն ըսած է թէ ամէն սուտ խօսողներուն բաքըն ըսած է թէ ամէն սուտ խօսողներուն բաժինը դժոխքը պիտի ըլլայ : Իմ սիրելի զաւկը ներս, պիտի չյիշէ՞ք այս բաներն և միշտ ՚ի սրտէ ճշմարտութիւնը պիտի խօսի՞ք :

Ձեր երկնաւոր Հօրն աղօթեցէք, որ իր Սուրբ Հոգւովը ձեզի օգնէ այնպէս ընելու" :



### ԳԼՈՒԽ ԽԲ

#### Ի Ն Չ Բ Ա Ն Ի Հ Ա Մ Ա Ր

ԱՂՕԹՅՐ ԸՆԵԼՈՒ ԵՆՔ

«Աստուածաշունչին մեծ ճշմարտութիւններուն մէկն ալ պիտի ըսեմ ձեզի, և անկէ ետքը տուն դառնանք,» ըսաւ տղոց հայրը: «Կրնա՞ք մէկ երկու ըոպէ ալ հանդարտ նստիլ:»

Մարիամ ու Յակոբ պատասխան տուին, «Կ'ուզենք քիչ մ'ալ քովդ նստիլ, և խօսքերդ մտիկ ընել:»

«Դուք գիտէք աղօթք ի՞նչ ըսել է, այնպէս չէ՞», ըսաւ հայրը: «Աղօթք ընել՝ Աստուծոյ հետ խօսիլ, մեր կարօտութիւններն Անոր պատմել, անոր օրհնութիւնը և ամէն մեզի պէտք եղած բաները Անկէ խնդրել է:»

«Այո, գիտենք ատիկա», ըսին Մարիամ ու Յակոբ:

«Դարձեալ գիտէք թէ աղօթքի ժամանակ զգոյշ ըլլալու և մեր ըսածին վրայ աղէկ խորհելու ենք, և արտորալու չենք. նաեւ, երբ Աստուծոյ հետ կը խօսինք մեր միտքերն ուրիշ բանի տալու չենք», ըսաւ հայրը:

Մարիամ ու Յակոբ ասիկա գիտէին:

«Ուստի», ըսաւ հայրը, «քանի մը բան ալ

պիտի ըսեմ, զորս ամէն օր աղօթքով խնդրելու ենք:

Աստուծմէ խնդրելու ենք որ հաճի մեզ առողջ պահել և կերակրել: Պէտք է որ այս բաներն Աստուծմէ խնդրենք, քանզի Ան միայն կարող է զանոնք մեզի տալ: Զանոնք ընդունելէն ետքն ալ, չմոռնանք շնորհակալ ըլլալ Աստուծոյ մարդասիրութեանը համար որ մեզի այնչափ բարեփոխեր տուած է այս աշխարհիս մէջ: Աղաչենք Աստուծոյ որ մեզի օգնէ իր կամքին հնազանդելու, այնպէս որ եթէ հաճի մենէ վերցընել մեր առողջութիւնը կամ հանգըստութիւնը, և կամ խնդրուած բան մը չըտալ, որ գիտէ թէ մեզի համար օգտակար չէ, կարող ըլլանք ըսել, «Գու կամքդ ըլլայ»: Յիշենք նաեւ մեր սիրելի բարեկամներն, և Աստուծմէ խնդրենք որ օրհնէ զանոնք, և հարկաւոր բարիքը տայ անոնց:

Խնդրենք նաեւ մեր Երկնաւոր Հօրմէն որ մեր յանցանքները ներէ իր սիրելի Որդւոյն համար, որ աշխարհ եկաւ մեղաւորները փրկելու. և եթէ միտք բերենք թէ չար բան մը ըրած, ըսած կամ խորհած ենք, խոստովանելու, և Աստուծմէ օգնութիւն խնդրելու ենք, որ կարող ըլլանք ուրիշ ժամանակ այսպիսի բաներ չընել:

Մենք չենք կրնար իրօք զղջալ կամ սրտանց տրտմիլ մեր մեղքերուն համար՝ առանց Աստու-

ծոյ Սուրբ Հոգւոյն օգնութեանը . ուստի բնաւ մոռնալու չենք Աստուծո՛վ Սուրբ Հոգին խնդրել , որ օգնէ մեզի սրտանց զղջալու և ապաշխարելու , և որ մեզ սուրբ պահէ :


Հիմա բուն ըսելու բանս այս մեծ ճշմարտութիւնն է : Աստուած խոստացած է Սուրբ Հոգին տալ իրմէ խնդրողներուն :

Ո՛րչափ բարերար է Աստուած մեզի : Ամենէն բարի ծնողքէն աւելի բարերար է : Անիկա աւելի կու տայ մեզի քան զոր մենք արօթքի մէջ կը խնդրենք : Ձեզի պէս փոքր տղայք անգամ կրնան Աստուծո՛վ Սուրբ Հոգին խնդրել , և եթէ սրտանց խնդրէք , ձեր խնդրուածքը պարապ պիտի չերթայ :

## ԳԼՈՒԽ ԽԳ

### ՆԼԵՆՆԵՐԸ

Ամբողջն է ետքը աշուն կուգայ : Այնան օրերն ամարուան օրերուն պէս երկայն չեն և այն ատենները Մարիամ ու Յակոբ չէին կրնար իրիկունները դուրս ելլել պտըտելու , հապա շատ անգամ առտունները դուրս ելլելով , երբեմն բլուրը , ձկնորմներուն տունները և ծովեզերքէ կ'երթային , երբեմն գերեզմանատունէն անց



նեւով դաշտերը կ'երթային : Այս դաշտերուն մէջ շատ զուարճալի բաներ կը տեսնէին , զորօրինակ , դեղացիներու տուններ , կալերու վրայ ցորենի դէզեր , արտերու մէջ մանգաղներով ցորեն հնձողներ , և նոր կապուած որաներու մէջ խաղացող տղայք : Այս տեսարանը բոլորովին տարբեր էր

անկէ զոր Մարիամ և Յակոբ առաջ հոն տեսած էին գարնան եղանակին :

Առաջ տեսած էին ցորենի արտերը, երբ հասկերը բողբոջելու կը սկսէին . իսկ հիմա ցորենը ժողվուած, արտերէն վերցուած և կալերու վրայ դրուած կը տեսնէին :

Առաջ տեսած էին իրենց պարտէզին մէջ եղած պտղաբեր ծառերուն ծաղկիլը, հիմա նոյն ծառերուն անոյշ պտուղները կը վայելէին :

Միայն խնձորի ծառերուն վրայ պտուղ մնացած էր, և ան ալ գրեթէ քաղուելու մօտ էր : Արդէն աշունն էր, երբ Մարիամու հօրը աշնանային ընծայ մը եկաւ, այսինքն ելակի (շէն) քանի մը տունկ : Մարիամու հօրը բարեկամներէն մէկը զրկած էր ասոնք պարտէզը տնկուելու համար : Այս տեսակ ելակէն քիչ կը դրոնուէր և շատ ալ դեղեցիկ էր, ուստի և հայրը շատոնց կը փափաքէր անկէ քանի մը տունկ ունենալ իր պարտէզին մէջ :

«Շատ խնամք տանելու ենք ասոնց» ըսաւ հայրը իր պզտիկ աղջկանը, որ քովը կայնած էր՝ զանոնք առած ժամանակը : «Ասոնք զատ տեղ մը տնկենք և դալ ամառ, եթէ ողջ մնանք, թերեւս ծիրանի (շաշնի) չափ ելակ պիտի տեսնենք անոնց վրայ» : Ամէնը տասներկու տունկ էին, և պարտէզին մէջ անոնց համար պատրաստուած առանձին տեղ մը տնկուեցան :

Աշունն անցաւ, ձմեռը եկաւ, բայց ուշ և

ցուրտ : Տունկերուն վեց հատը փտտած էին, միւս վեց հատն ալ շատ պզտիկ և տկար մնացած էին : Երբ ելակին ծաղկելու ժամանակն եկաւ, տունկերէն միայն մէկ հատը ծաղիկ բացաւ ան ալ միայն չորս ծաղիկ :

«Այս դեղեցիկ և մեծ տեսակէն քիչ ելակ պիտի ունենանք այս տարի», ըսաւ հայրը, երբ տղոց հետ պարտէզը կը պտրտէր, «բայց կը յուսամ թէ չորս հատ պիտի ունենանք . ուստի մէկը ձեր սիրելի մօրը, մէյ մէկ հատ ձեզի, չորրորդն ալ խնձի պիտի ըլլայ» : Այնուհետեւ Մարիամ ու Յակոբ ամէն օր կը նայէին այս տունկին : Անոնց կը թուէր թէ ելակները շատ ուշ կ'ելլէին, բայց վերջապէս ծաղիկները թափեցան, և չորս ելակ տեսնուեցաւ :

Ասոնք օրէ օր կը մեծնային, բայց, ո՛հ, ո՛ր չափ ժամանակ տեւեց մինչեւ որ հասան :

Հայրն ըստ կարի ելակները կը պաշտպանէր թռչուններէն և խխունջներէն («սեպիկ»), օր մ'ալ, ըսաւ, «կարծեմ շաբաթէ մը հասած ելակ կը ժողվենք . քանզի շատ մեծցած են» : Այնչափ մեծ ելակ ընաւ տեսած չէր Մարիամ, և շատ անգամ հայրը հոն տարած էր զանոնք ցուցնելու : Ելակները հասած ատեն՝ օր մը երբ անոնք նայելու կ'երթային, հայրն ըսաւ տղոց, «կարծեմ թէ վաղը կ'ընանք քաղել ելակները» : Հետեւեալ օրը հայրը մինակ պարտէզ դնաց այն չորս դեղեցիկ ելակները քաղե-

լու, բայց տեսաւ որ բան մը մնացած չէր: Երբ տուն դարձաւ, հոն տիկին մը տեսաւ, որ Մարիամու ու Յակոբայ մօրը տեսութեան եկած էր: Հայրը ելակներուն համար զգացած տըրտմութիւնն այս տիկնոջ պատմեց:

«Ո՛հ», ըսաւ տիկինը, «չեմ գարմանար ատոր, թերեւս քու պզտիկ զակներդ դիտեն ելակներուն ուր ըլլալը: Տղայք պտուղ շատ կը սիրեն, ուստի և աղէկ բան մը չէ զանոնք մինակ պարտէզը թողուլ պտուղներուն հասուն ատենը. անտարակոյս ամէն բան կը խառնեն, և այնպիսի պտուղներ կ'ուտեն զոր պէտք չէ ուտել»:

«Ես չեմ կարծեր թէ Մարիամ ու Յակոբ այն ելակները կերած են», ըսաւ հայրը, «բայց հիմա կ'իմանանք»:

Իսկոյն զանգակը զարկաւ, և երբ սպասաւորը եկաւ, հրաման ըրաւ անոր Մարիամն ու Յակոբը կանչել: Երբ անոնք սենեակը մտան, հայրը հարցուց, «Այն չորս մեծ և գեղեցիկ ելակները դո՛ւք քաղեցիք ու կերաք»:

«Ոչ, հայր», պատասխանեցին երկուքն ալ:

«Ես ձեզի կը հաւատամ սիրելի տղաքս, ըսաւ հայրը, «բայց կը ցաւիմ ըսել որ, մէկը այն ելակներն առնելով 'ի դերեւ հանեց մեր յոյսը զանոնք վայելելու»:

Մարիամ ու Յակոբ շատ ցաւեցան, երբ այս բանը լսեցին, բայց անոնց հօրը «Ձեզի կը հա-

ւատամ» ըսելը, զանոնք մխլթարեց:

Ո՛հ, եթէ պզտիկ տղայք գիտնային թէ ո՛րչափ զուարճութիւն պիտի զգան երբ իրենց խօսքը միշտ ճշմարիտ բռնուէր, անտարակոյս միշտ ճշմարիտ պիտի խօսէին:

«Շատ աղէկ», ըսաւ հայրը, «ես կ'ուզէի միայն այս հարցումն ընել ձեզի: Ուրախ եմ որ ձենէ այս պատասխանը լսեցի, հիմա կ'ընաք երթալ»:

Երբ տղայք դուրս ելան, անոնց հայրն այն տիկնոջը դառնալով «Մարիամ ու Յակոբ ան ելակներն առած չեն», ըսաւ:

Տիկինը բան մը չըսաւ, բայց կ'երեւար թէ չէր հաւատար որ տղայք այն պտուղը առած չէին: Քանի մ'օր ետքը հայրն իմացաւ թէ ո՛վ առած էր ելակները, և յայտնի եղաւ որ ստուգիլ Մարիամ և Յակոբ դպած չէին անոնց:

Ասիկա օգտակար դաս մ'եղաւ այն տողոց ճշմարտութեան մեծ արժէքը սորվելու: Եթէ անոնց հայրն չդիտնար թէ անոնք ճշմարտախօս են, կ'ընար կասկածիլ թէ պտուղներն անոնք առած էին՝ թէեւ անոնք բացարձակապէս ժխտէին. քանզի ստախօսներուն չէնք հաւատար՝ թէեւ երբեմն ճշմարիտ խօսին:

Մարիամն և Յակոբայ հայրը նոյն տիկնոջ տունը հանդիպելով, իմացուց ելակները դողցողը որ ոչ Մարիամ էր և ոչ Յակոբ:

## ԳԼՈՒԽ ԽԴ

ԺՈՂՈՎԱԵՏՈՒՆ

Այս դէպքէն քանի մ'օր ետքը Մարիամու և Յակոբայ հայրն ու մայրը զանոնք իրենց հետ առնելով՝ ուրիշ քաղաք մը գացին քանի մը մը զոն հեռու, հոն ազգականի մը տուն շարաթ մը կենալու :

Եթէ ժամանակ ունենայի, կրնայի պատմել ձեզի թէ ինչպէս Մարիամ ու Յակոբ իրենց օրերը հոն կ'անցնէին, թէ ինչ նոր տեսարաններ կը տեսնէին, և ինչ նոր ճշմարտութիւններ կը լսէին : Բայց հիմա քանի մը վրայ միայն պիտի խօսիմ :

Այն քաղաքին մէջ ժողովատուն ըսուած մեծ տուն մը գացին, ուր շատ բազմութիւն կար : Սրահին (սալ) ծայրը մեծ տախտակամած (տէօ շէօ) մը կար, որ միւս տեղերէն քիչ մը բարձր էր, և ուր քանի մը մարդիկ նստած շատ զբաղեալ կ'երեւային :

Ոմանք իրենց ձեռքը դիրք և ոմանք ալ թուղթեր ունենալով՝ կարդաւ ոտք կ'ելլէին և բարձր ձայնով կը խօսէին : Գետնի վրայի մեծ բազմութենէն ալ ոմանք նստած և ոմանք ոտքի վրայ, ու շաղթութեամբ մտիկ կ'ընէին այն բարձր տեղը կեցող մարդոց ըսածները :

Մարիամ ու Յակոբ անոնց ըսածները լաւ չէին հասկնար, բայց իրենց տեղէն կրնային տեսնել դրեթէ բոլոր մարդիկ, որ այն մեծ սրահին մէջ էին : Ուստի չէին ձանձրանար իրենց հօրն ու մօրը հետ հոն կենալէ, թէեւ աւելի քան երեք ժամ հոն մնացին :

Վերջապէս խօսողներն իրենց խօսքը լնցուցին, և յետոյ կամաց կամաց ժողովն արձակուեցաւ, և Մարիամ ու Յակոբ և անոնց ծնողքը իրենց ազգականին տունը դարձան :

«Ո՛րչափ մարդ կար այն մեծ սրահին մէջ», ըսաւ պզտիկ աղջիկը :

«Այո, շատ», պատասխանեց հայրը, «սրահը լեցուն էր, շատ մարդիկ ալ՝ որ չէին կրնար ներս մտնել, դուրսը կեցած էին : Անոնք ինչ պատճառաւ հոն ժողովուած էին, դիտէ՞ք» : Մարիամ կը կարծէր թէ ճառ մտիկ ընելու եկած էր այն բազմութիւնը :

«Այո, այնպէս էր», ըսաւ հայրը, «և ճառ խօսողներն ինչ քանի վրայ խօսեցան, դիտէ՞ք» :

Մարիամ քանի մը բան ըսաւ, զոր լսած և միտքը պահած էր : Հայրը հասկցաւ որ աղջիկը մտիկ ըրած էր, թէեւ ըսուածներուն մեծ մասը չէր հասկըցած, և թէ Յակոբն ալ նոյնպէս քիչ շատ բան լսած էր :

«Ուրեմն այս բաներուն վրայով խօսիմ ձեզի», ըսաւ հայրը. «եթէ դուք քանի մը տարի աւելի ողջ մնաք, և այնպիսի տեղ մը երթաք» :

դուք ալ ձեր ըսածներն ինծի պիտի պատմէք : Գիտէք թէ ես շատ անգամ կը պատմէի ձեզի այն երկիրներուն վրայով, որոնց խեղճ և տղէտ ընակիչները ճշմարիտ Աստուածը չեն ճանչնար, այլ կը պաշտեն սուտ աստուածներ, կամ փայտէ և քարէ շինուած կուռքեր որ մարդու օգուտ չեն կրնար ընել”:

Մարիամ ու Յակոբ մտացած չէին ասիկա : «Աստուած իր Սուրբ Հոգւոյն շնորհքովը, բարի մարդոց սրտերուն մէջ սա խորհուրդը դրաւ” : շարունակեց հայրը, «որ այն խեղճ ու տղէտ կուսպաշտներուն ողորմին, և ջանք ընեն անոնց ճշմարտութիւնը սորվեցընելու : Ոմանք իրենց հայրենիքէն ելլելով հեռի երկիրներ գացին, և այն խեղճ մարդոց լեզուները սորվելով Աստուածաշունչը և ուրիշ գիրքեր անոնց լեզուով տպել տուին, և ամէն կերպով, որչափ հնար էր, շատ բան սորվեցուցին անոնց ճշմարիտ Աստուծոյ վրայով, զոր օրինակ թէ ինչպէս Ան իր սիրելի Որդին աշխարհը զրկեց մեղաւորները փրկելու : Այս քարոզիչները Միսիոնար կ’ըսուին : Կան մարդիկ ալ, որ հեռի երկիրներ չեն երթար, այլ իրենց հայրենիքը մնալով ըստ կարի կ’աշխատին այս գործը յառաջ տանելու : Ստակ կուտան Միսիոնարներ զրկելու, Աստուածաշունչը և ուրիշ օգտակար գիրքեր տպելու . իւրաքանչիւր մարդ այս կերպով մէյմէկ բան կրնայ ընել . մարդ մինչեւ ան

գամ դահեկան մը տալով կրնայ օգնել Աստուծոյ զխոտութիւնը տղէտներուն զրկելու գործին :

Ձեզի պէս փոքր տղայք անգամ կարող են օգնութիւն ընել այս բարի գործին :

Ամէն բարեպաշտ մարդ, թէ իր հայրենիքը մնայ, թէ օտար երկիր երթայ, թէ շատ տակ ունենայ տալու և թէ քիչ, կրնայ աղօթք ընել և Աստուծոյ օրհնութիւնը խնդրել, որ խեղճ հեթանոսներն իրենց չար ճամբաներէն ետ կենալով դարձի գան և Տէր Յիսուս Քրիստոսը սիրել և անոր պատուիրանքը պահել սորվին :

Շատ ժամանակ կայ որ առաջին անգամ Միսիոնարք օտար երկիրներ գացին : Անոնք մեռան, բայց ուրիշներ անոնց տեղը կը հասնին, և ամէն տարի շատ ուրիշներ ալ կ’երթան : Բան մը պիտի ըսեմ ձեզի որ պիտի ուրախացընէ զձեզ : Աստուած օրհնեց այս մարդոց գործը և անոնց միջոցով շատ հեթանոսներուն մեծ շնորհքներ տուաւ : Ատենօք այս հեթանոսները տղէտ և չար էին, բայց Աստուած անոնց սիրտը փոխեց, երբ անոնք լսեցին անոր սուրբ խօսքը որ կարող է զմարդիկ իմաստուն ընել փրկութեան :

Հիմա խօսիմ ձեզի այն բաղմութեան վրայ որ այսօր տեսանք : Այն ատենաբաններէն ոմանք, որոնց խօսքերը լսեցիք, Քարոզիչ չէին, բայց ամէնքը կը խօսէին հեթանոսներուն խեղ

ճութեանը, և Աստուծոյ մարդասիրութեանը վրայ, թէ ինչպէս Աստուած արթնցուց բարի մարդիկ երթալ հեթանոսներուն քարոզել : Պատկերցին նաեւ այն մեծ օգուտները որ ամենակարող Աստուծոյ օրհնութեամբն արդէն եղած են : Այն սրահին բազմութիւնը հոն եկած էր յատկապէս այս բարի լուրերը լսելու, և տարակոյս չունիմ թէ անոնց լսած բաները մեծ ուրախութիւն տուաւ անոնց : Անոնցմէ շատերը ստակ տուած են այս գործին յառաջացմանը համար, և կը յուսամ թէ ազօթքով պիտի խնդրեն Աստուծմէ որ օգնէ Միսրոնարաց, խեղճ և մեղաւոր հեթանոսներուն ալ իր Սուրբ Հոգին տայ որ անոնք իրենց սրտերը Յիսուսի Բրիտանոսի սիրոյն դարձնեն :

Աստուած խոստացած է այսպիսի ազօթքները լսել, և իր Սուրբ Գիրքին մէջ ըսած է մեզի թէ ժամանակ պիտի գայ որ երկիրը Տէրոջը դիտութեամբը պիտի լեցուի, ինչպէս որ ջուրերը ծովը կը ծածկեն” :

## ԳԼՈՒԽ ԽԵ

ԴԵՏԵՍԵՆԻ ՄԵՆ՝ ՕՐԸ

“Մեր դացած Ժողովատան սրահը շատ մեծ էր” նորէն ըսաւ Մարիամ հետեւեալ օրը,

“այնչափ մեծ սրահ երբէք տեսած չէի : Հոն մարդ կը բնակի” :

“Ոչ, այն սրահին շինուելու մէկ նպատակն ըսեմ ձեզի”, պատասխանեց հայրը :

“Գիտէք որ երկրիս մէջ գողութիւն մարդասպանութիւն և ուրիշ չարութիւն ընող գէշ մարդիկ կան” :

“Այո, գիտենք հայր”, ըսաւ Յակոբ, “դեռ անցած շաբաթ մեր խնձորները պարտեղէն գողցուեցան. աղէկ գիտեմ որ զանոնք գողցողները բարի մարդիկ չէին” :

“Անտարակոյս այնպէս է, Յակոբ”, ըսաւ հայրը, “քանզի բարի մարդիկ գողութիւն չեն ըներ” :

Երբ գողերուն և ուրիշ չար մարդոց չարութիւնը կ’իմացուի, ընդհանրապէս անոնք բռնուելով բանտ կը դրուին” :

“Բայց, հայր, այն սրահը բանտ է”, հարցուց Մարիամ :

“Ոչ”, ըսաւ հայրը, “այն սրահին վրայ քիչ մը ետքը պիտի խօսիմ : Այս չարագործները բանտ կը դրուին, և կը պահուին մինչեւ որ դատաւորը քաղաք կու գայ, և անատեն որոշեալ օր մը”, — հոս Մարիամ իր հօրը խօսքը ընդմիջելով հարցուց, “Դատաւորը ո՞վ է, հայր” :

“Դատաւորը, սիրելիս, մարդ մըն է, որուն իշխանութիւն տրուած է այն մարդիկը քննել

որոնց համար կ'ըսուի թէ երկրին օրէնքներուն դէմ դորժած են, և խմանալ թէ անոնց վրայ եղած ամբաստանութիւնն իրա՛ւ է թէ ոչ: Այս դատաւոր կոչուած մարդն այն մեծ սրահը կը մտնէ, և նստելով այն բարձր աթոռին վրայ զօր սրահին ծայրը տեսար՝ իր քննութիւնները կ'ընէ. ուրիշ մարդիկ ալ կ'օգնեն անոր այն քննութեան ատենը, և երբ ամբաստանեալները քննողներուն առջեւը մի առ մի կը բերուին, քննիչներն անոնց թէ 'ի նպատակ և թէ հակառակ տրուած վկայութիւնները մտիկ կ'ընեն, և ամբաստանեալը կ'արձակուի, եթէ անոր յանցանքը չհաստատուի. բայց երբ կը ստուգուի թէ երկրին օրէնքներուն դէմ դորժած է, դատաւորը հրաման կ'ընէ ըստ օրինաց պատժել այն մարդը:

Սիրելի աղջիկս, կ'ախորժի՞ս դատաւորի մը առջեւ կենալ և չարութեան համար քննուիլ՞:

«Ոչ, ոչ», ըսաւ Մարիամ:

«Սիրելի տղաքս, դիտե՞ք արդեօք որ օր մը դատաւորի մը առջեւ պիտի կայնիք՞»:

«Ո՛հ, հայր», գոչեց Յակօբ:

«Ճշմարիտ կ'ըսեմ», ըսաւ հայրը: «Ահա Աստուածաշունչին խօսքը, որ ինչպէս գիտէք, ճշմարիտ է, Ս.մենքս ալ Քրիստոսի ատեանին առջեւը պիտի կայնինք՞»:

Դուք, սիրելի տղաքս, հոն պիտի ըլլաք, ձեր ծնողքը և աշխարհիս բոլոր բնակիչներն

ալ հոն պիտի ըլլան: Այն բազմութիւնը որ երէկ տեսաք, մեծ երեւցաւ ձեզի, բայց, ո՛հ ի՞նչ մեծ ժողովք պիտի ըլլայ հապա այն, երբ բոլոր մեռելները յարութիւն առնելով՝ Քրիստոսի աթոռին առջեւը դան դատուելու: Անատեն այս աշխարհիս մէջ մեր բոլոր ըրածները, ըսածները և խորհածները մեր առջեւ պիտի դրուին:

Անատեն բոլոր մարդիկ երկու մեծ խումբ պիտի բաժնուին. մին Աստուծոյ ժողովրդեան, և միւսը Սատանային ժողովրդեան խումբը՝ այսինքն անոնք որոնց մեղքերը ներուած են, և անոնք որ անսպաշխար մեռած են: Աստուծոյ ժողովուրդը դատաւորին աջ կողմը պիտի կենայ, իսկ Սատանայինը՝ ձախ կողմը:

Այնուհետեւ Տէր Յիսուս Քրիստոս աջակողմեաններուն պիտի ըսէ. «Եկէք, իմ հօրս օրհնածները, աշխարհի սկիզբէն ձեզի համար պատրաստուած թագաւորութիւնը ժառանգեցէք՝, և անոնք երկինքը պիտի ընդունուին՝ փառօք և երջանկութեամբ յաւիտեան հոն կենալու:

Յետոյ դատաւորն ձախակողմեանց դառնալով պիտի ըսէ, «Մէկդի դացէք ինձմէ, անիժեալներ, յաւիտեանական կրակին մէջ, որ պատրաստուած է Սատանային՝ և իր հրեշտակներուն՝. և անոնք դժօխք պիտի երթան, ուր միայն ցաւ ու տրտմութիւն պիտի ըլլայ յաւիտեանս յաւիտենից:

Ասոր վրայով պիտի մտածէ՞ք, սիրելի տղաքս,



և ամէն օր աղօթքով Տէր Յիսուսի պիտի երթա՞ք և ձեր մեղքերը խոստովանելով պիտի խնդրէ՞ք որ Ան ձեր մեղքերը ներէ և ձեր բարեկամն ըլլայ հիմա և միշտ” :

Այս բաներն ըսելէն ետքը՝ Մարիամ ու Յակոբ շատ կը մտածէին : Ընթերցող , դուն ալ այս դիրքին մէջ բացատրուած աս և ասոր նման ուրիշ մեծամեծ ճշմարտութիւններուն վրայ չե՞ս մտածեր : Դուն ալ Աստուծմէ շնորհք խնդրէ , որ հաւատքով արդարացած և փրկաստի ալրեամբը սրբուած ըլլալով դատաստանի այն մեծօրը դատաւորը քեզի բարեկամ դանես :



### ՃԱՆԿ ԳԼԽՈՑ

#### ԳԼՈՒԽ

- Ա. Յակոբ Մարիամ և անոնց հայրը . . . . . 1
- Բ. Աստուծոյ և Անոր բարեբարութեանը վրայ . . . . . 3
- Գ. Ծաղիկը և անոր սերմը . . . . . 4
- Դ. Աստուած ամէն բան ստեղծեց . . . . . 7
- Ե. Ընթերցարանը . . . . . 9
- Զ. Հրեշտակներուն վրայ . . . . . 10
- Է. Ընթերցարանին մէջ եղած ուրիշ խօսքերը . . . . . 13
- Ը. Աստուծոյ խմաստութեանը վրայ . . . . . 15
- Թ. Բլուրն ու ծովը . . . . . 16
- Ժ. Աստուած ամէն տեղ է . . . . . 18
- ԺԱ. Կուռքը . . . . . 20
- ԺԲ. Աստուած սուրբ և արդար է . . . . . 22
- ԺԳ. Տղան ու ձին . . . . . 24
- ԺԴ. Աստուած բարի է չարերուն անդամ . . . . . 26
- ԺԵ. Սուրբ Գիրքը . . . . . 28
- ԺԶ. Բոլոր մարդիկ մեղանչելու հակամէտ սրտով ծնած են . . . . . 30
- ԺԷ. Աստուած մարդը սուրբ ստեղծեց . . . . . 32
- ԺԸ. Պզտիկ մեղք չկայ . . . . . 34
- ԺԹ. Գերեզմանատունը . . . . . 35
- Ի. Պէտք է որ մեղքը պատժուի . . . . . 38
- ԻԱ. Ճշմարտութիւններուն ամենէն լաւը . . . . . 40
- ԻԲ. Փուչէ պսակը . . . . . 42

ԻԳ. Պզտիկ տղոց հրաման կայ ֆրիստոսի եր-  
թալու . . . . . 44

ԻԴ. Ծննդեան տարեդարձը . . . . . 47

ԻԵ. Փոթորիկ մը . . . . . 49

ԻԶ. Վտանդը մեզ մեր պարտաւորութիւնը  
կատարելէ ետ պահելու չէ . . . . . 51

ԻԷ. Տղայոց հայրն ապահով կը դառնայ . . . . . 53

ԻԸ. Ծովեզերք . . . . . 55

ԻԹ. Չկնորաներուն վտանգի մէջ կյնալը . . . . . 57

Լ. Շնորհակալութիւն . . . . . 60

ԼԱ. Աստուծոյ քաղցրութիւնը մեզ ապաշ-  
խարութեան կ'առաջնորդէ . . . . . 64

ԼԲ. Ապաշխարութիւնն ի՞նչ է . . . . . 66

ԼԳ. Յիսուս ֆրիստոս ամէն բանի տէրն է . . . . . 67

ԼԴ. Կռուասէր տղայք . . . . . 69

ԼԵ. Կռուիլը ու ծեծկուիլը շատ գէշ բա-  
նէր են . . . . . 72

ԼԶ. Մեղքն ի՞նչ է . . . . . 75

ԼԷ. Աստուծոյ բարեկամն ըլլալու ճամբան . . . . . 78

ԼԸ. Այս աշխարհս մեր բնակարանը չէ . . . . . 80

ԼԹ. Աստուծոյ մարդիկ ու աշխարհի մարդիկ . . . . . 82

Խ. Ճշմարտութիւն . . . . . 85

ԽԱ. Աստուած ճշմարտութեան Աստուած է . . . . . 88

ԽԲ. Ի՞նչ բանի համար աղօթք ընելու ենք . . . . . 91

ԽԳ. Ելակները . . . . . 93

ԽԴ. Ժողովատունը . . . . . 98

ԽԵ. Դատաստանի մեծ օրը . . . . . 102



706

504.

0

0004003

2013

ՀՀ Ազգային գրադարան



NL0004003

